

四庫全書

經部

欽定四庫全書

經部

周禮注疏卷七

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官助教_臣汪錫魁

謄錄監生_臣謝景標

欽定四庫全書

周禮注疏卷七

漢鄭氏注

唐陸德明音義

賈公彥疏

司書掌邦之六典八灋八則九職九正九事邦中之版
土地之圖以周知入出百物以敘其財受其幣使入于
職幣注九正謂九賦九貢正稅也九事謂九式變言之
者重其職明本而掌之非徒相副貳也敘猶比次也謂
鉤考其財幣所給及其餘見爲之簿書故書受爲授鄭

司農云授當爲受謂受財幣之簿書也玄謂亦受錄其餘幣而爲之簿書使之入于職幣幣物當以時用之久

藏將朽蠹音義

正音征注同毗志反見賢遍反疏釋曰

言掌邦之六典已下至周知入出百物已上所掌與司會同者以其司會主鉤考司書掌書記之司書所記司會鉤考之故二官所掌其事通焉九職即司會九功也九正即司會九賦九貢也九事即司會九式也邦中之版土地之圖即司會版圖也周知入出百物者即司會百物財用一也云以敘其財者敘謂比次其財知用多少云受其幣者百官所用餘財送來與司書司書受其幣使入於職幣之官不入本府注釋曰知九正謂九賦九貢者案上司會有九賦九貢此司書則有九正無九賦九貢故知九正即是九賦九貢也言九正者謂此二

者之財皆出於正稅故鄭云正稅也又云九事謂九式者九式據用財言之九事據用財所爲之事其理一也云變言之者重其職謂變九賦九貢言九正變九式言九事也重於其職明本而掌之非徒相副貳也其相副貳者謂司會八法八則之貳是也云所給及其餘見爲之簿書者司書周知入出百物以敘其財明知敘其財幣所給諸官餘不盡者即以餘見爲之簿書擬與司會鈎考之玄謂亦受錄其餘幣而爲之簿書者此增成先鄭受謂受財幣之簿書云幣物當以時用之久藏將朽蠹者釋經百官餘幣不入於本府而入於職幣之意若入本府即是久藏將恐朽爛蠹敗故凡上之用財用必入職幣使人占賣之本在生利也

攷于司會注上謂王與冢宰王雖不會亦當知多少而

闕之司會以九式均節邦之財用疏

注釋曰知上謂王與冢宰者案內府

職云凡王及冢宰賜與則共之明此上中有冢宰可知云王雖不會亦當知多少而闕之者案上膳夫庖人及外府等皆言王及后不會此經上之用財必考於司會者此之所考但知多少而闕之非是會計與王爲限云司會以九式均節邦之財用者欲見司書用財必考於司會之意

三歲則大計羣吏之

治以知民之財器械之數以知田野夫家六畜之數以知山林川澤之數以逆羣吏之徵令注械猶兵也逆受

而鈎考之山林川澤童牯則不稅音義

械戶戒反疏釋畜許又反

言三歲者三年一閏天道小成考校羣吏須有黜陟故云三歲則大計羣吏之治羣吏則百官也以知民之財用器械之數者民之財用謂幣帛多少器謂禮樂之器械謂兵器弓矢戈殳戟矛此等則器械之數皆知之以

知田野謂百畝之田在野夫家者謂男夫婦女六畜者謂馬牛羊豕犬雞之數又云以知山林川澤之數者案大司徒地有十等不言邱陵墳衍原隰者略言之也又云以逆羣吏之徵令者逆謂鉤考也此司書知民之財器已下川澤已上恐其羣吏濫徵斂萬民故知此本數乃鉤考其徵令也注釋曰山林川澤童枯則不稅者山林不茂爲童川澤無水爲枯所稅者稅其有今山林不茂則無材木川澤無水則無魚鼈蒲葦故不稅之凡

稅斂掌事者受灋焉及事成則入要貳焉注灋猶數也

應當稅者之數成猶畢也音義

斂力疏釋曰言凡稅斂

師旅師徵斂之官所欲稅斂掌事者皆來司書處受法焉及事成收斂畢入要寫一通副貳文書名爲要入司書故云入要貳焉必來受法又入要貳者以司書知財器已下之數擬後鉤考之也注釋曰云應當稅者之數

者即上田野夫家之等
是其本出稅者之數也
凡邦治攷焉注考其灋於司書

疏

釋曰邦之所治有善惡皆來考於司書者
以司書大計羣吏之治知其功過故也

職內掌邦之賦入辨其財用之物而執其總以貳官府

都鄙之財入之數以逆邦國之賦用注辨財用之物處

之使種類相從總謂簿書之種別與大凡官府之有財

入若闔市之屬音義

種章勇反

疏

釋曰云掌邦之賦入者謂
九職九貢九賦之稅入皆

掌之獨云賦入者賦是總名下言賦者皆此類也辨其
財用之物凡所稅入者種類不同須分別之而執其總
者總謂稅入多少總要簿書又云以貳官府都鄙之財
入之數者官府財入謂若闔市之稅都鄙之財入都鄙

謂三等采地采地之稅四之一言貳者謂職內受取一通副貳文書備擬鉤考云以逆邦國之賦用者職內既知財入之數鉤考用賦多少知其得失注釋曰言辨財用之物使種類相從者但賦之所入先由職內始至大府大府分致於衆府以是分別使衆類相從云官府之有財入若闔市之屬者司關司市皆屬地官闔市皆有出稅故知官府之有財入若闔市也凡受財者受其貳言之屬者兼有城十二門亦有稅入

令而書之注受財受於職內以給公用者貳令者謂若

今御史所寫下本秦王所可者書之若言某月某日某

甲詔書出某物若干給某官某事音義

下戶疏釋曰其嫁反疏有官府

合用官物而受財者竝副寫一通勅令文書與職內然後職內依數付之故云受其貳令書之注釋曰云貳令

謂若今御史所寫下本奏王所可者案御史職云掌贊書彼注云王有令則以書致之則贊爲辭若今尚書作詔文是其用官財者先奏白於王王許可則御史贊王爲辭下職內是其貳令職內則書之爲本案然後給物與之若然職內主入職歲主出職內分置於衆府所以得有物出與入者職內雖分置衆府職內亦有府貨賄留之者故得出給故大府職云頌其賄於及會以逆職受用之府鄭注云受用之府若職內是也

歲與官府財用之出注亦參互鈎考之疏

釋曰言會者謂至歲終會

計以逆職歲者逆謂鈎考也職歲主出職內主入以己之入財之數鈎考職歲出財之數又云與官府財用之出者謂職歲出財與官府所用之數並鈎考之注釋曰鄭云參互鈎考者案司會以參互考之鄭彼注云參互謂司書之要貳職內之入職歲之出以三官相鈎考此職內逆職歲明兼有司書之要貳故言參互言亦者亦

如大而敘其財以待邦之移用注亦鈎考今藏中餘見府也

爲之簿移用謂轉運給他音義

藏才疏釋曰案司書云浪反以敘其財鄭彼

注云敘猶比次謂鈎考其財幣所給及其餘見爲之簿書入職幣也此言敘財亦謂比次職內藏中餘見爲簿書以待邦之移用更給他官若然職內既非常府其所藏者唯當歲所用故用不盡者移用之也

職歲掌邦之賦出以貳官府都鄙之財出賜之數以待

會計而攷之注以貳者亦如職內書其貳令而編存之

音義

編必綿反又必連反一音方千反

疏

釋曰云掌邦之賦出者職內主入職歲主出職內所入於

衆府所用之多少皆主之故云掌邦之賦出但九貢九賦九功之用皆主之特言賦者亦如職內云賦賦是總

稱也云以貳官府都鄙之財出賜之數者職內云以貳官府都鄙之財入之數此職歲以貳官府都鄙之財出賜之數二官一入一出皆書其貳共相鉤考故職內云以逆邦之賦用此職歲云以待會計而考之其事通也注釋曰云亦如職內書其貳令而編存之者職內云凡受財者受其貳令而書之此官主出所出亦皆由上令所出前後不同亦皆書其貳令編存爲案以待會計而考之也

凡官府都鄙羣吏之出

財用受式灋于職歲注百官之公用式灋多少職歲掌

出之舊用事存焉疏

釋曰官府都鄙出財用皆來受灋者以其出財用皆爲有事事有舊

灋用有常式歲出財皆有舊灋式在於是職歲故須受灋於職歲也

凡上之賜予以敘與

職幣授之注敘受賜者之尊卑疏

釋曰上謂王與冢宰所有小賜予之事則

職幣所云小用賜予是也
故云以敘與職幣授之

及會以式灋贊逆會注助司

會鈎考羣吏之計疏

釋曰案司會以逆羣吏之治而聽其會計此官主式灋出財用及至

也至歲終會計之時則以式法贊助司會鈎考會計之事故云以式灋贊逆會

職幣掌式灋以敘官府都鄙與凡用邦財者之幣注幣

謂給公用之餘凡用邦財者謂軍旅疏

釋曰職幣主餘幣給諸官之用

亦依灋式與之故云掌式灋以敘官府已下之幣幣則餘幣也注釋曰云幣謂給公用之餘者以其此官主敘

餘幣故知幣謂給公用之餘知凡用邦財是軍旅者見經敘官府都鄙別言用邦財故知用邦財謂國之大事

唯有振掌事者之餘財注振猶拊也檢也掌事謂以王軍旅

命有所作爲先言斂幣後言振財互之音義

拊音疏

釋曰

振者拊也檢也以財與之謂之拊知其足剩謂之檢掌事奉王命有所造爲故職幣檢掌事者有餘則受取故云振掌事者之餘財注釋曰知掌事謂以王命有所作爲者以其上經官府已下是其國家常事此別言掌事是王命有所作爲又云先言斂幣後言振財互之者凡用國家財物皆先振而後斂今於上文直言斂不言振亦振之下言振財有餘亦斂之可知故言互之也

皆辨其物而奠其錄以書

之以詔上之小用賜予注奠定也故書錄爲祿杜子春

云祿當爲錄定其錄籍鄭司農云揭之若今時爲書以

著其幣音義

揭其列反著直疏釋曰上經既斂得幣皆略反徐張恕反當辨其物知其色類及

善惡而莫其錄者謂定其所錄簿書色別各入一府以書揭之者謂府別各爲一牌書知善惡價數多少謂之揭又云以詔上之小用賜予者詔猶告也職幣既知府內則告王與冢宰小用賜予之事此謂上之常賜予王好賜此三者非常賜與外府及典絲枲三官言賜予者與此職幣同亦歲終則會其出疏釋曰以其職幣主出是國家常賜予凡邦之會事以式瀆贊之下贊之亦謂贊司會會之事也

司裘掌爲大裘以共王祀天之服注鄭司農云大裘黑

羔裘服以祀天示質疏

釋曰言爲大裘者謂造作黑羔裘裘言大者以其祭天地之服

故以大言之非謂裘體侈大則義同於大射也云以共王祀天之服者謂四時所有祀天之事皆共之不限六

天之大小直言祀天案孝經緯鉤命決云祭地之禮與天同牲玉皆不同言同者唯據衣服則知崐崙神州亦用大裘可知注釋曰先鄭知大裘黑羔裘者祭服皆玄上纁下明此裘亦羔裘之黑者故知大裘黑羔裘又云服以祀天示質者以其裘已下皆有采章爲此大裘更無采章故云質案鄭志大裘之上又有玄衣與裘同色亦是無
中秋獻良裘王乃行羽物注良善也中秋鳥獸

毼毼因其良時而用之鄭司農云良裘王所服也行羽物以羽物飛鳥賜羣吏玄謂良裘王藻所謂黼裘與此

羽物小鳥鷦鷯之屬鷹所擊者中秋鳩化爲鷹中春鷹

化爲鳩順其始殺與其將止而大班羽物音義

中音仲注同毼

音毛毳先典反疏釋曰良善也仲秋所獻善裘者爲八
與音餘鷄音淳月誓獮田所用故獻之王乃行羽物
者行賜也以羽鳥之物賜羣臣以應秋氣也注釋曰云
中秋鳥獸毳毼者此是尚書堯典文案彼注毼理也毛
更生整理引之者證仲秋有良裘意故鄭云因其良時
而用之也司農云良裘王所服者先鄭意良裘王所服
故仲秋獻之羣臣所服裘在下經季秋獻功裘是也後
鄭不從之者月令云孟冬天子始裘此良裘若是王之
所服裘何得在仲秋故後鄭不從玄謂良裘玉藻所謂
黼裘與者案彼文云唯君有黼裘以誓獮獮是仲秋田
獵之名彼獮田用黼裘與此仲秋獻良裘同時皆不爲
寒設故知此良裘則與彼黼裘一也但無正文約與之
同故言與以疑之也言黼裘者白與黑謂之黼謂狐白
與黑羔合爲黼文故謂之黼裘秋氣嚴猛取斷割之義
故用黼謂之良裘者下經功裘之等臣所服見人功麤
良裘與大裘皆君所服針功細密故得良裘之名又云

此羽物小鳥鶉雀之屬鷹所擊者案夏官羅氏仲春羅
春鳥行羽物彼注云羽物若今南郡黃雀之屬彼黃雀
即此雀之屬此鶉與雀亦是鷹所擊故連言鶉也云仲
秋鳩化為鷹仲春鷹化為鳩者此竝月令文引此者證
此仲秋行羽物與月令仲秋鳩化為鷹殺物之時是順
其始殺也故行羽物又云仲春鷹化為鳩者證羅氏仲
春行羽物與月令仲春鷹化為鳩止殺之時故云與
其將止云班羽物者總結春秋二時皆大班行羽物

秋獻功裘以待頒賜注功裘人功微麤謂狐青麋裘之

屬鄭司農云功裘卿大夫所服音義

麋音迷

疏

釋曰案詩云七月流

火九月授衣此季秋則是九月授衣之節季秋獻功裘
以待頒賜者功裘之內有羣臣所服之裘故言以待頒
賜注釋曰言功裘人功微麤者此對良裘與大裘人功
微密此裘人功麤故名功裘又云謂狐青麋裘之屬者

案玉藻君子狐青裘豹褰麕裘青豸褰彼云君子鄭云
君子大夫士也以其彼云豹褰青豸褰裘用雜故爲大
夫士若君則用純引此者證功裘中有此狐青麕裘以
待頒賜玉藻仍有羔裘狐裘亦是臣之所服裘不引之
者之屬中含之矣若然狐青裘者鄭玉藻注云蓋玄衣
之裘天子下士玄端之服皆服之又云麕裘者鄭彼注
引孔子素衣麕裘謂是君臣視朔之服彼云羔裘注引
孔子緇衣羔裘鄭注論語云君之視朝之服亦卿大夫
士祭於君之服若然卿大夫助祭用冕服士用爵弁君
朝服冕服羔裘卿大夫弁冕用羔裘至於朝服亦用
羔裘即是君臣祭服朝服同服羔裘也又云狐裘者鄭
注玉藻引孔子黃衣狐裘謂是十月農功畢臘祭先祖
之服據鄉來所解四種之裘君臣同有以其經云以待
頒賜唯據其臣若據天子諸侯除大裘之外亦入此功
裘之中案玉藻仍有狐白裘據天子之朝大夫已上所
服亦入此功裘之中鄭司農云功裘卿大夫所服者先

鄭之意以良裘王所服故此功裘是卿大夫所服後鄭引之在下者經云以待頒賜據臣而言司農云功裘卿大夫所服得爲一王射則共虎侯熊侯豹侯設其鵠義故引之在下

諸侯則共熊侯豹侯卿大夫則共麋侯皆設其鵠注大射者爲祭祀射王將有郊廟之事以射擇諸侯及羣臣與邦國所貢之士可以與祭者射者可以觀德行其容體比於禮其節比於樂而中多者得與於祭諸侯謂三公及王子弟封於畿內者卿大夫亦皆有采地焉其將祀其先祖亦與羣臣射以擇之凡大射各於其射宮侯

者其所射也以虎熊豹麋之皮飾其側又方制之以爲
褱謂之鵠著于侯中所謂皮侯王之大射虎侯王所自
射也熊侯諸侯所射豹侯卿大夫以下所射諸侯之大
射熊侯諸侯所自射豹侯羣臣所射卿大夫之大射麋
侯君臣共射焉凡此侯道虎九十弓熊七十弓豹麋五
十弓列國之諸侯大射大侯亦九十參七十干五十遠
尊得伸可同耳所射正謂之侯者天子中之則能服諸
侯諸侯以下中之則得爲諸侯鄭司農云鵠鵠毛也方

十尺曰侯四尺曰鵠二尺曰正四寸曰質玄謂侯中之大小取數於侯道鄉射記曰弓二寸以爲侯中則九十弓者侯中廣丈八尺七十弓者侯中廣丈四尺五十弓者侯中廣一丈尊卑異等此數明矣考工記曰梓人爲侯廣與崇方參分其廣而鵠居一焉然則侯中丈八尺者鵠方六尺侯中丈四尺者鵠方四尺六寸大半寸侯中一丈者鵠方三尺三寸少半寸謂之鵠者取名於鵠鵠鵠小鳥而難中是以中之爲雋亦取鵠之言較較

者直也射所以直已志用虎熊豹麋之皮示服猛討迷惑者射者大禮故取義衆也士不大射士無臣祭無所

擇故書諸侯則共熊侯虎侯杜子春云虎當爲豹音義

鵠古毒反爲祭于僞反以與音預下得與同行下孟反比毗志反下同而中丁仲反下天子中之以下中之而

難中反以中皆同所射食亦反下自射所射共射皆同辜諸允反本亦作準著直略反又張略反參素感反干五

旦反劉音鴈本又作犴遠于萬反正疏釋曰言王大射音征下同鴈音干劉音鴈一音岸者王將祭祀選

助祭之人故於西郊小學之中王與諸侯及羣臣等行大射之法故云王大射也則共虎侯熊侯豹侯者虎侯者謂以虎皮飾其側九十步之侯王自射之也熊侯者以熊皮飾其側七十步之侯諸侯射之也豹侯者謂以

豹皮飾其側五十步之侯孤卿大夫已下射之也云設其鵠者其鵠還以虎熊豹皮爲之方制之三分其侯鵠居其一故云設其鵠也云諸侯則共熊侯者謂畿內諸侯三公王子母弟熊侯亦如王之熊侯諸侯自射之豹侯者亦如王之豹侯羣臣共射之也卿大夫者謂王朝卿大夫則共麋侯者亦五十步以麋皮飾其側君臣共射之云皆設其鵠者熊侯已下亦以熊豹麋之皮爲鵠三分其侯鵠居一焉故云設其鵠也注釋曰知大射爲祭祀射者見禮記射義云天子大射謂之射侯既云天子將祭必先習射故知大射是將祭而射也云王將有郊廟之事者郊謂祭五天帝於四郊不言園丘祭昊天亦有可知廟謂祭先王先公皆是也云以射擇諸侯至得與於祭皆禮記射義文案彼云天子以射擇諸侯卿大夫士即云是故古者天子之制諸侯歲獻貢士於天子試之射宮其容體比於禮其節比於樂而中多者得與於祭而中少者不得與於祭是其大射擇諸侯羣臣

貢士得與祭之事也云諸侯謂三公及王子弟封於畿內者若六命賜官及建其長立其兩可得及卿此經卿與大夫同廩侯明諸侯之內唯有三公王子弟也言封於畿內者此謂王子弟無官直得采地而已封於畿內對魯衛晉鄭之等封在外爲諸侯者也云卿大夫亦皆有采地焉者案載師大都任置地是此諸侯也又云小都任縣地家邑任稍地是其卿大夫亦皆有采地焉云其將祀其先祖亦與其羣臣射以擇之者諸侯亦與畿外諸侯同五廟卿大夫亦三廟此經不云孤孤六命亦與卿同是其祀先祖之事也云凡大射各於其射宮者謂從王已下至大夫大射各自於其西郊之學射宮之中知然者案儀禮大射云公入鷺自外而來入明王已下皆於郊學也云侯者其所射也者以其雖有正鵠之別侯是總名故云侯者所射也云以虎熊豹麋之皮飾其側者侯中上下俱有布一幅夾之所飾者唯有兩傍之側故云飾其側也云又方制之以爲辜謂之鵠著于

侯中者梓人爲侯廣與崇方故云方制之質者正也所射之處故名爲質三分其侯鵠著於侯中云所謂皮侯者所謂梓人張皮侯而棲鵠云王之大射虎侯王所自射也者遠近三等人有尊卑分爲三節尊者射遠卑者射近故知王射虎侯諸侯卑於天子其自射射熊侯明助王祭亦射熊侯卿大夫卑於諸侯以其自射射麋侯五十步明助王亦射豹侯五十步故知射豹侯卿大夫更言已下者兼有士亦射豹侯諸侯之大射熊侯諸侯所自射豹侯羣臣所射以其唯有二侯故分爲二等云卿大夫之大射麋侯君臣共射焉者以其唯一侯故也云凡此侯道虎九十弓至五十弓並約鄉射記案鄉射記云鄉侯侯道五十弓案大射大侯糝侯豳侯直言九十七十五十不云弓故注鄉射記云大侯九十弓糝侯七十弓豳侯五十弓並約鄉侯有弓字則大射所云九十者九十弓七十者七十弓五十者五十弓可知也天子三侯與彼畿外諸侯同但用皮別耳故此注虎

欽定四庫全書

言質即詩云發彼有的及鵠皆是一物其鵠不止四寸而已故後鄭亦不從玄謂侯中之大小取數於侯道者其侯道則去侯遠近之道故引鄉射記鄉射記曰弓二寸以爲侯中者二寸據把中側骨中身也弓別取二寸以爲侯身也則九十弓者侯中廣丈四尺者據熊侯也又云七十弓者侯中廣丈四尺者據熊侯也五十弓者侯中廣一丈也者據豹侯麋侯也云尊卑異等此數明矣者破司農總方十尺曰侯之言云考工記曰梓人爲侯廣與崇方者崇高也上下爲崇橫度爲廣如鄉射侯中丈八丈四一丈皆方故云廣與崇方也云參分其廣鵠居一馬者謂三分丈八丈四一丈之侯各取一分而爲鵠故云三分其廣鵠居一馬又云然則侯中丈八尺者鵠方六尺自此已下皆重釋鵠居一馬之義以其侯中丈八三六十八故鵠居六尺侯中丈四尺者鵠方四尺六寸大半寸者以其侯中丈四尺取丈二尺三四十二得四尺有二尺在又取尺八寸三六十八又得六寸

有二寸在寸各爲三分二寸併爲六分取二分名爲三分寸之二即是大半寸也故云鵠方四尺六寸大半寸也侯中一丈者鵠方三尺三寸少半寸者一丈取九尺三三而九得三尺一尺在又取九寸得三寸仍有一寸分爲三分得一分名爲少半寸故云鵠方三尺三寸少半寸云謂之鵠者此鄭釋鵠還是虎豹等皮名爲鵠意故云謂之鵠者取名於鵠鵠者案淮南子鵠知來俗云鵠鵠是鳥捷點者也故云鵠鵠小鳥而難中射亦取鵠之言較較者直也射所以直已志者案禮記射義云循聲而發不失正鵠若然正鵠相對之物若鵠爲鳥正亦爲鳥若鵠爲直正則爲正直之正故射義云射者內志正外體直是正鵠之名各有二義又云用虎熊豹麋之皮示伏猛討迷惑者虎熊豹是猛獸將以爲侯侯則諸侯也是示能伏得猛厲諸侯麋者迷也將以爲侯示能討擊迷惑諸侯云射者大禮故取義衆也者以其祭者是大事射者觀德故爲大禮故於三侯之上

取義衆多云士不大射士無臣祭無所擇者案孝經云天子諸侯大夫皆言爭臣士則言爭友是無臣也大射者所以擇臣士則無臣可擇故經不言士之大射士自無大射之禮得與天子大射者以其得助祭故也是以鄭注云豹侯卿大夫已下所射已下即士也至於賓射士自爲賓射故射人云士豸侯二正不得與天子賓射是以鄭射人注云此與諸侯射士不與是也云故書諸侯則共熊侯虎侯杜子春云虎當爲豹不從故書者虎侯是天子大侯不宜在諸侯熊侯之下故不從也

大喪廬裹飾皮車注皮車遣

車之革路故書廬爲淫鄭司農云淫裹陳裹也玄謂廬

興也若詩之興謂象似而作之凡爲神之偶衣物必沽

而小耳音義

廬許金反徐又火飲反遣棄戰反興虛謦反下同

疏

釋曰大喪謂王喪廬猶興

也興象生時裘而爲之謂明器中之裘即上良裘功裘等云飾皮車者亦謂明器之車以皮飾之注釋曰皮車遣車之革路者案冬官考工記飾車欲侈棧車欲弇除棧車之外皆用革鞅即此皮車非專革路鄭特云皮車革路者此司裘所飾唯革路而已云故書廠爲淫鄭司農云淫裘陳裘也者此周禮一部之內稱廠者衆多故書皆爲淫先鄭皆爲陳後鄭皆破從興興謂興象生時之物而作之必知爲陳非爲興是者車僕云大喪廠革車圉人云廠馬亦如之即是所廠車馬又禮記檀弓云竹不成用瓦不成味琴瑟張而不平竽笙脩而不和皆是興象所作明器非陳設之理故不從先鄭玄謂廠興也若詩之興謂象似而作之者象似生時而作但麓惡而小耳云凡爲神之偶衣物必沽而小耳者案禮記檀弓孔子云謂爲俑者不仁鄭以俑爲偶也故鄭云神之偶衣謂作送死之衣與生時衣服相似又云物沽而小者沽麓也謂其物沽略而又小即竹不成用瓦不成味

是也凡邦之皮事掌之歲終則會唯王之裘與其皮事不
會

掌皮掌秋斂皮冬斂革春獻之注皮革踰歲乾久乃可

用獻之獻其良者於王以八司裘給王用疏

釋曰云秋斂皮冬斂

革春獻之者許氏說文獸皮治去其毛曰革秋斂皮者
鳥獸毛毼之時其皮善故秋斂之革乃須治用功深故
冬斂之乾久成善乃可獻故春獻之也注釋曰知良者
八司裘者以其司裘掌爲王大裘以下故知良者八司

裘也遂以式灋頒皮革于百工注式灋作物所用多少故

事疏

釋曰上文獻良者八司裘其餘八百工因上事故云遂也百工者即冬官六十官主作器物若裘氏

韋氏函人之類用皮者也注釋曰云式澣作物所用多
少故事者作若裘氏作裘函人作甲冑謂皮革皆有用
物多少之數共其毳毛爲氈以待邦事注當用氈則共
有舊法者也

之毳毛毛細縵者音義

毳尺稅反
縵音辱

疏

釋曰鄭云當用氈
則共之謂若掌次

張氈案是當其用氈則掌皮共歲終則會其財齋注財
毳毛與冬官使作氈與掌次也
斂財本數及餘見者齋所給予人以物曰齋今時詔書

或曰齋計吏鄭司農云齋或爲資音義

見賢疏釋曰歲
遍反疏終周之

十二月則會計其皮之本數之財及出與人物之齋計
知多少也注釋曰財斂財本數者經云財與齋二者竝
據皮革而言也言斂財本數者謂四方所有皮革之入
掌皮之數是本數也云及餘見者謂出給不盡見在庫

者也云予人以物曰齋者齋有兩義上外府注行道曰齋此皮革無行道所用之義故齋爲出給與人物解之也云今時詔書或曰齋計吏者漢時考使謂之計吏有詔賜與之則曰齋引之證齋是與人物也鄭司農云齋或爲資先鄭意一部書齋或爲資也

內宰掌書版圖之灋以治主內之政令均其稍食分其人民以居之注版謂宮中閤寺之屬及其子弟錄籍也圖王及后世子之宮中吏官府之形象也政令謂施閤寺者稍食吏祿稟也人民吏子弟分之使衆者就寡均宿衛疏注釋曰內宰既職當內事與大宰主外事相似故知版之所書者謂宮中閤寺之屬并宮中官

之子弟皆屬內宰書之於版焉既主內事故知所圖者不出王及后世子之宮中吏官府之形象也又知政令謂施閹寺者以其閹人主中門之禁寺人掌王之內人之戒令內宰爲之長故知政令者施之於閹人寺人也

不言內小臣及內豎者蓋亦施之也云稍食吏祿稟也者吏即閹寺弟子宿衛后宮者宮正所均謂宿衛王宮者以米稟爲祿之月俸均之者當知見在空闕也云人民吏子弟者以其所均稍食是吏之子弟明所分宿衛還是吏之以陰禮教六宮注鄭司農云陰禮婦人之禮子弟也

六宮後五前一王之妃百二十人后一人夫人三人嬪九人世婦二十七人女御八十一人玄謂六宮謂后也婦人稱寢曰宮宮隱蔽之言后象王立六宮而居之亦

正寢一燕寢五教者不敢斥言之謂之六宮若今稱皇

后爲中宮矣昏禮母戒女曰夙夜毋違宮事疏

釋曰先鄭意以

陰禮婦人之禮教六宮之人自后已下至女御後鄭意以婦人之禮教后一人六宮即后也注釋曰先鄭知陰禮婦人之禮者以其將用教婦人故知陰禮是婦人之禮也云六宮後五前一者天子謂之六寢宮人所云者是也后亦象王立宮亦後五前一在王六寢之後爲之南北相當耳云王之妃百二十人至八十一人此是禮記昏義之文彼據周法引之者先鄭意欲見內宰教此六宮之人也玄謂六宮謂后不從先鄭者若此文兼后至女御應言及與凡殊之下別自教三夫人已下此文既在於上明專教后一人而已云若今稱皇后爲中宮矣者漢舊儀有此事也引昏禮者證婦人稱宮之意也

以陰禮教九嬪注教以婦

人之禮不言教夫人世婦者舉中省文音義

省所疏注景反釋

曰司農意上文教六宮之人訖此復教九嬪者先鄭意以九嬪掌婦學之法使之教九御故內宰特更別教之也後鄭意下文別教九御故知此教三夫人已下不言三夫人世婦者舉中以見上下省文以婦職

之灋教九御使各有屬以作二事正其服禁其奇袞展

其功緒注婦職謂織紵組紃縫線之事九御女御也九

九而御于王因以號焉使之九九爲屬同時御又同事

也正其服止踰侈奇袞若今媚道展猶錄也緒業也故

書二爲三杜子春云當爲二二事謂絲枲之事音義

奇紀

宜反袞似嗟反本亦作邪紆女金反組疏釋曰內宰以
音祖紉似倫反線仙戰反字亦作綫婦人職業之
法教九御上文世婦已上皆直言陰禮不言職此言職
者以其世婦以上貴無絲枲等職業之法故也云使各
有屬者女御八十一人九人為一屬屬猶聚也九人同
時御又同為絲枲之事注釋曰婦職謂織紉織紉為一
事組紉又為一事縫線又為一事三者皆婦職也案詩
注云王后織玄紉公侯夫人紉紵卿之內子大帶大夫
命婦成祭服士妻朝服庶士以下各衣其夫貴賤皆有
職者彼示雖貴無得遊手率先之意非如此絲枲二事
責其功緒也又云九御女御也者序官云女御故就而
釋之也云九九而御于王因以號焉者案下女御職云
掌御敘于王之燕寢此云九御是九九而御于王因以
號焉云使之九九為屬同時御又同事也者此鄭釋九
人為屬之意也云正其服止踰侈者女御祿衣是正不
得踰侈服展衣以上也云奇袞若今媚道者案漢書漢

孝文時婦人蠱惑媚道更相呪詛作木偶人埋之於地
漢法又有宮禁云敢行媚道者若然媚道謂道妖巫
蠱以自街媚故鄭舉
漢法證經奇衰也

大祭祀后裸獻則贊瑤爵亦如之

注謂祭宗廟王既裸而出迎牲后乃從後裸也祭統曰

君執圭瓚裸尸大宗執璋瓚亞裸此大宗亞裸謂夫人

不與而攝耳獻謂王薦腥薦熟后亦從後獻也瑤爵謂

尸卒食王既醑尸后亞獻之其爵以瑤爲飾音義

裸古亂反

瑤音遙不與音預醑七

疏

釋曰大祭祀謂祭宗廟也后裸者謂室中二裸后亞王裸

尸獻謂朝踐饋獻后以玉爵亞王而獻尸則贊者此三事內宰皆佐后裸時以璋瓚授后獻時以玉爵授后故

云則贊也。瑤爵亦如之者，謂尸卒食，王酌尸，后亞王而酌尸，則內宰以瑤爵授后，后親酌盞齊以酌尸。云瑤爵亦如之者，亦贊之也。注釋曰：以其天地山川社稷等外神，后夫人不與又天地無裸，此云裸，故知經云大祭祀者，據宗廟而言也。但宗廟之祭，四時與禘祫六享皆有此裸。獻瑤爵之事，故總言宗廟也。云王既裸而出迎牲，而乃從後裸也者，案郊特牲云：既灌而出迎牲，彼據君而言，則知王既裸而出迎牲，后乃從裸也。案司尊彝注：后亞王灌訖，乃出迎牲者，以郊特牲云：既灌而出迎牲，以既灌之中不言無后灌，是以鄭云：后灌後乃迎牲，此云迎牲後，后乃裸，鄭以迎牲是王事，欲取王事自相亞故。退后裸於迎牲後也。又引祭統：已下者，彼雖諸侯禮欲見后有從王亞裸之事，與諸侯同也。又云：獻謂王薦腥，薦孰，后亦從後獻也者，案禮記禮運云：腥其俎，孰其穀，鄭云：腥其俎，謂豚解而腥之，孰其穀，謂體解而孰之，是其薦腥薦孰也。此二者是堂上朝踐饋獻之節室中。

二灌訖王出迎牲時祝延尸於戶外之西南面后薦八
豆八籩王牽牲入以血毛告訖以此腥其俎薦於神前
王以玉爵酌醴齊以獻尸后亦以玉爵酌醴齊以獻尸
也朝踐訖乃孰其殷薦於神前王以玉爵酌盞齊以獻
尸后亦以玉爵酌盞齊以獻尸名爲饋獻云瑤爵謂尸
卒食王既酌尸后亞獻之者案儀禮鄭注云諸侯尸十
三飯天子尸十五飯尸食後王以玉爵酌朝踐醴齊以
醕尸謂之朝獻后亦於後以瑤爵酌饋獻時盞齊以醕
尸謂之再獻故云后亞獻也云其爵以瑤爲飾者鄉來
所解知后以瑤爵亞酌尸者約明堂位云爵用玉醕仍
彫加以璧散璧角食後稱加彼魯用王禮即知王醕尸
亦用玉醕后酌尸用璧角賓長酌尸用璧散彼云璧此
云瑤不同者瑤玉名瑤玉爲璧形飾角口則曰璧
角角受四升爵爲總號故鄭云其爵以瑤爲飾也 正后
之服位而詔其禮樂之儀注薦徹之禮當與樂相應位

謂房中戶內及阼所立處疏

釋曰云正后之服祿衣已下六

服皆正之使服當其用位謂后助祭之位正之使不失其所而詔其禮樂之儀者后之行禮之時皆合于樂節各當其威儀皆內宰告后使依於法度故云詔其禮樂之儀也注釋曰案九嬪職云贊后薦徹豆籩是后薦徹也天子之禮薦時歌清廟及徹歌雍是薦徹皆有樂節但內宰所詔唯詔禮耳經兼云樂者禮樂相應也云位謂房中戶內及阼所立處者但天子諸侯祭禮亡今云位謂房中者案儀禮特牲云主婦亞獻尸尸拜受主婦北面拜送主婦北面拜者避內子及尸酢主婦主婦適房中南面祭酒及主人致爵于主婦亦於房中南面拜受爵至於少牢主婦入戶西面獻尸及酢主婦無入房之文則此云位謂房中戶內者據特牲士禮而言也云及阼所立處者案少牢有司徹云主人位于阼階上獻尸甫訖主婦乃洗爵于房中出實爵尊南西面獻尸

拜于筵上受主婦西面于主人席北拜送爵云主人贊席北即當阼階故云阼所立處此約有司徹而言也贊

九嬪之禮事注助九嬪贊后之事九嬪者贊后薦玉盥

薦徹豆邊音義

盥音咨

疏

注釋曰贊助也

鄭云助九嬪贊后之事者以經云贊九嬪之禮

事則助九嬪經自明矣知九嬪贊后者即鄭所引九嬪職贊后爲后薦玉盥薦徹豆邊等是九嬪贊后之事即

是內宰助九嬪九嬪贊后也

凡賓客之裸獻瑤爵皆贊注謂王同姓

及二王之後來朝覲爲賓客者裸之禮亞王而禮賓獻

謂王饗燕亞王獻賓也瑤爵所以亞王酬賓也坊記曰

陽侯殺穆侯而竊其夫人故大饗廢夫人之禮疏

釋曰賓客

則王同姓及二王後以其非一故云凡以廣之云裸者謂行朝覲禮訖即行三享之禮享訖乃賓於戶牖之間獻謂饗燕賓客后亦助王獻賓瑤爵謂王饗燕酬賓時后亦助王酬賓皆贊助于后也注釋曰鄭知賓客是王同姓及二王之後者見大行人云上公之禮再裸而酢侯伯一裸而酢子男一裸不酢則是上公乃有再裸王先一裸次后再裸按孝經緯云二王之後稱公則知二王之後有后裸也又案巾車云同姓金路鄭云王子母弟雖爲侯伯畫服如上公則此云王之同姓亦謂爲侯伯得與上公同再裸亦有后裸可知若同姓爲子男者則與異姓同一裸無后裸也故鄭云謂王同姓及二王之後來朝覲爲賓客者但裸時大宗伯代后至于拜送案聘禮有以醴禮賓之言故鄭依而言之若據大行人則云裸也云獻謂王饗燕亞王獻賓也者后之裸者饗燕亦與焉案大行人云上公三饗三食三燕侯伯再饗

再食再燕子男一饗一食一燕無飲酒之禮唯有饗燕耳饗者亨大牢以飲賓立行禮在廟獻依命數爵盈而不飲燕禮其牲狗行一獻之禮四舉旅降脫屨升坐其爵以酢爲度饗燕皆有獻賓酬賓后亦助王獻賓酬賓之事內宰皆贊后也引坊記者陽國之侯來朝於穆侯穆侯饗陽侯之時穆侯夫人亦助君獻酬于賓其時陽侯見穆侯夫人色美遂殺穆侯而竊其夫人歸國故大饗廢夫人之禮引之者證古者諸侯夫人助君饗賓明天子后亦有助王饗燕賓

故經云后裸獻之事也

致后之賓客之禮注謂諸侯

來朝覲及女賓之賓客疏

注釋曰致后之賓客之禮者謂若酒正云致后之賓客之

禮其掌客致夫人之禮彼諸侯夫人致禮于賓客法明后亦致牢禮於賓鄭注掌客凡夫人禮皆使下大夫致之則此內宰亦下大夫也云女賓之賓客者謂畿內同姓諸侯夫人有會見王后之法故亦致禮焉凡喪

事佐后使治外内命婦正其服位注使使其屬之上士

内命婦謂九嬪世婦女御鄭司農云外命婦卿大夫之

妻王命其夫后命其婦玄謂士妻亦爲命婦疏釋曰喪

王及后世子已下皆是以其皆有服位故云凡以廣之
凡有喪事内宰皆佐后使其屬官治外内之命婦正其
服之精麤位之前後也注釋曰以外内命婦卑故内宰
不自治之故經云使明使其屬之上士治之云内命婦
謂九嬪世婦女御者以其對外命婦故知内命婦是九
嬪已下可知也不言三夫人者三夫人從后不在治限
故不言也司農云王命其夫后命其婦者先鄭見禮記
玉藻曰君命屈狄是子男夫人彼是后命之明王朝之
臣亦王命其夫后命其婦可知玄謂士妻亦爲命婦者
夏殷之禮爵命不及於士周之禮上士三命中士再命

下士一命夫尊于朝妻榮於室明士妻亦爲命婦可知
若然喪服命其命婦皆據大夫不舍士者彼據降服不
降服爲說故唯據大夫爲命
夫其妻爲命婦不及士也
凡建國佐后立市設其次

置其敘正其肆陳其貨賄出其度量薄制祭之以陰禮

注市朝者君所以建國也建國者必面朝後市王立朝
而后立市陰陽相成之義次思次也敘介次也陳猶處
也度丈尺也量豆區之屬鄭司農云佐后立市者始立
市后立之也祭之以陰禮者市中之社先后所立社也
故書薄爲敦杜子春讀敦爲純純謂幅廣也制謂匹長

玄謂純制天子巡守禮所云制幣丈八尺純四邠與陰

禮婦人之祭禮音義

漳劉諸允反注皆同徐音純朝直遙反下同介音界或作分非純諸

允反下同邠音紙與音餘

疏釋曰王者建國非定一所隨世而遷謂若自契至湯八遷大王遷岐文王遷豐

武王遷鎬成王營洛皆是建國故云凡以該之也凡建國內宰佐后立市設其次謂司市所居置其敘謂胥師賈師等所居正其肆謂諸行列肆之等陳其貨賄貨賄爲有諸物皆陳列之也出其度量謂內宰佐后出度之丈尺量之斗斛及出淳之幅廣狹并制之丈八尺又於市中祭之以陰禮謂婦人之祭禮也注釋曰云市朝者君所以建國也者謂建國必須有市朝故鄭即覆釋云建國者必面朝後市面朝後市乃冬官匠人文云王立朝者即三朝皆王立之也而后立市者即此文是也云陰陽相成之義者朝是陽王立之市是陰后立之獨陽

不生獨陰不成故云陰陽相成之義也云次思次也者
地官司市云思次介次彼注破思爲司字解之云敘介
次也者亦司市文介副也謂若胥師賈師等所居也案
司市注次謂吏所治舍思次介次也若今市亭然敘肆
行列也與此注不同者鄭望文解之彼經無肆文故以
敘爲行列并思次介次共爲一所解之此文自有肆文
故分思次介次別釋也云陳猶處也者謂處置其貨賄
也云度丈尺也者律歷有分寸尺丈引五度令只言丈
尺略言之也云量豆區釜鍾又案律歷五量籥合升斗斛此
云齊舊四量豆區釜鍾又案律歷五量籥合升斗斛此
獨言豆區者之屬中含之又云祭之以陰禮者市中之
社先后所立社也者市乃先后所立故以陰禮爲市中
之社亦先后所立社也云故書漳爲敦杜子春讀敦爲
純純謂幅廣也制謂匹長玄謂純制天子巡守禮所云
制丈八尺純四咫與此二者竝增成子春義趙商問云
天子巡守禮制丈八尺純四咫何答云巡守禮制丈八

四尺八寸四尺三寸二寸又大廣四當爲三三八二十
四二尺四寸幅廣也古三四積畫是以三誤爲四也

中春詔后帥外內命婦始蠶于北郊以爲祭服注蠶于

北郊婦人以純陰爲尊郊必有公桑蠶室焉音義

仲中音

疏

釋曰云中春詔后帥外內命婦始蠶于北郊者內宰
以仲春二月詔告也告后帥領外命婦諸臣之妻內

命婦

三夫人已下始蠶於北郊云以爲祭服者禮記祭

義亦云

蠶事既畢遂朱綠之玄黃之以爲祭服此亦當

染之以爲祭服也

注釋曰云蠶於北郊婦人以純陰爲
尊者案禮記祭統云天子親耕於南郊鄭以諸侯爲少

陽是天子以純陽爲尊則后蠶於北郊純陰爲尊也云

郊必有公桑蠶室焉者案月令三月后妃親東鄉躬桑

此云二月與彼不同者案馬職云禁原蠶者彼注天文

辰爲馬引蠶書曰蠶爲龍精月值大火則浴其種是蠶

與馬同氣故此亦仲春始蠶蠶者亦謂浴種至歲終則三月臨生蠶之時又浴種乃生之故設文異也

會內人之稍食稽其功事注內人主謂九御疏

釋曰歲終亦謂

周之季冬內宰則會計內人女御之稍食稍食則月請是也云稽其功事者稽計也又當計女御絲枲二者之授嬪婦以知多少注釋曰知內人主是女御者案典婦功人九御也

佐后而受獻功者比其小大與其麤良而賞罰

之注獻功者九御之屬鄭司農云烝而獻功玄謂典婦

功曰及秋獻功疏

釋曰佐后而受獻功者謂內宰佐助后而受女御等獻絲枲之功布帛等

云比其小大與其麤良者布帛之等縷小者則細良縷大者則麤惡今言麤不云惡言良不云細者互見爲義

也云而賞罰之者良則賞之麤則罰之以示懲勸也注
釋曰鄭知獻功是九御之屬者上文云以婦職之法教
九御明所受獻功還是九御之屬可知司農云烝而獻
功謂冬獻功立引典婦功職秋獻功不從先鄭者以其
內宰佐后受明是婦官所造還
會內宮之財用注計夫
是典婦功女御等秋獻功也

人以下所用財疏

釋曰以其云內宮是總六宮之內所
有財用皆會計之故鄭云計夫人以

下所用財也

正歲均其稍食施其功事憲禁令于王之北宮

而糾其守注均猶調度也施猶賦也北宮后之六宮謂

之北宮者繫于王言之明用王之禁令令之守宿衛者

音義

調徒弔反度待
洛反或如字

疏

釋曰正歲謂建寅之月歲始故
總均宮中所受稍食月俸之人

因歲始又施其女功絲枲之事憲禁令于王之北宮者亦以歲始憲謂表縣禁令于王之北宮北宮則后宮而糾其守者謂宿衛之子弟糾其惰慢者也注釋曰鄭以均爲調度者受月請者尊卑各有常度今均之者謂調之使依常度云謂之北宮者係於王言之明用王之禁令令之者欲見王有六寢后有六宮各自不同必繫王而言者婦人有三從之義后雖自有六宮必資王之禁令故繫王而言也云守宿衛者謂若宮伯所掌士庶子也

上春詔王后帥六宮之人而生種稑之種而獻之于

王注六宮之人夫人以下分居后之六宮者古者使后宮藏種以其有傳類蕃孳之祥必生而獻之示能育之使不傷敗且以佐王耕事共禘郊也鄭司農云先種後

孰謂之種後種先孰謂之種王當以耕種于籍田玄謂
詩云黍稷種種是也夫人以下分居后之六宮者每宮
九嬪一人世婦三人女御九人其餘九嬪三人世婦九
人女御二十七人從后唯其所燕息焉從后者五日而
沐浴其次又上十五日而徧云夫人如三公從容論婦

禮音義

種直龍反本或作重音同案如字書禾旁作重是種種之字作童是種殖之字今俗則反之種

音六本又作穆同種章勇反注藏種同傳直宣反下同蕃音煩孽音茲又作滋又上時掌反而徧云音遍絕句從容疏釋曰上春者亦謂正歲以其春事將興故云上如字疏春也內宰以上春建寅之月又詔告王后帥頌

六宮之人而生種。種之種而獻之於王者，一則助王耕事，二則示於宮內，無傷敗之義也。注釋曰：云古者使后宮藏種，以其有傳類蕃孳之祥者。王妃百二十人，使之多爲種，類藏種者亦是種類蕃孳之祥，故使藏種也。云之必生而獻之，示能育之，使不傷敗者，生此種乃獻之，非直道此種不傷敗，示於宮內，懷孕者亦不傷也。云且以佐王耕事者，王親耕，后親蠶，皆爲祭事。今后雖不耕藏種，獻之者亦是佐王耕事。云共禘郊也者，禘謂祭廟郊謂祀天，舉尊言之，其實山川社稷等皆用之也。鄭司農云：先種後孰，謂之種。後種先孰，謂之稌者，今世見有此先種後孰，後種先孰，日驗可知也。玄謂詩云：黍稷種，是也。此增成先鄭義，亦以其先鄭直云先種後種，不見穀名。後鄭意黍稷皆有種，稌云夫人以下分居后之六宮者，此已下亦是增成鄭義，所分居者唯據九嬪以下三夫人不分居，而云三夫人以下，則除三夫人亦得爲三夫人以下也。云每宮者，后六宮，故云每此言與下爲

目也九嬪一人者世婦二十七人六宮各一人則三人在也
世婦三人者世婦二十七人六宮每宮三人則九人在也
也女御九人者女御八十一人六宮各九人餘二十
七人在也其餘謂不分者故云其餘九嬪三人世婦九
人女御二十七人也云從后唯其所燕息馬云從后者后不專
居一宮須往即停故云唯其燕息馬云從后者五日而
沐浴者凡侍尊者須潔淨故須沐浴身體也其次又
上十五日而徧云者鄉所分居六宮九嬪以下皆三分
之一分從后兩分居宮假令月一日一分從后至月五
日從后者五日滿則右邊三宮之中舊居宮者來替此
從后者從后者又來入右邊三宮從后者至十日又滿
則左邊三宮者來替此從后者從后者來居左邊三宮
又至十五日則三番總遍故云十五日而遍云者無正
文鄭以意配之故言云以疑之云夫人如三公從容論
婦禮者王后六宮夫人有三分居不遍因即尊之三
坐與王論道三夫人尊卑與三公同三公侍王三夫人

亦待后故取竝焉者以證
三夫人不分居宮之義也

內小臣掌王后之命正其服位注命謂使令所爲或言

王后或言后通耳音義

令力疏釋曰敘官云奄上士四呈反人案夏官太僕云掌正

王之服位出入王之大命則太僕掌王命及服位此小
臣亦云掌王后之命正其服位則小臣侍后與太僕侍
王同也注釋曰云命謂使令所爲者以其后無外事明
云命者是使令所爲云或言王后或言后通耳者以此
經及上經皆云王后下文則皆云后鄭恐
人以爲別有義意故云通耳無義例也

后出入則前

驅注道之音義

道音導

疏

釋曰此小臣是奄人與后導道是其常也

若有祭祀

賓客喪紀則擯詔后之禮事相九嬪之禮事正內人之

禮事徹后之俎注擯爲后傳辭有所求爲詔相正者異

尊卑也俎謂后受尸之爵飲于房中之俎音義

相息亮反注同

爲后于

疏

釋曰云若有祭祀賓客喪紀則擯者此三者事至無常故云若若不定之辭也則擯者此

三者后皆有事九嬪以下從后往也三事皆與后爲擯贊也云詔后之禮事相九嬪之禮事正內人之禮事者

詔相正皆是上擯但據尊卑不同故以詔相別之云徹后之俎者謂后於東房中受尸酢之俎內小臣徹之注

釋曰言擯爲后傳辭有所求爲者后爲上三事須物則小臣擯贊而傳辭與諸司求物供所爲也云詔相正者

異尊卑也者后尊云詔詔告而已九嬪稍卑則言相相助之言也女御卑直正之而已云俎謂后受尸之爵

飲於房中之俎者天子諸侯祭禮亡案特牲薦俎乃受尸之酢次主婦醑尸尸酢主婦於東房中受尸之酢亦

有薦俎后之俎小臣所徹亦約與士禮主婦之俎同也

后有好事于四方則使往

有好令於卿大夫則亦如之注后於其族親所善者使

往問遺之音義

好呼報反下同遺唯季反

疏

注釋曰后於其族親者有族親在四方謂畿

外諸侯於王有親謂若魯衛晉鄭之等也於卿大夫亦謂同姓族在朝廷者也王后意有所善遣小臣往以物問遺之四方諸侯言事卿大夫言令者后雖無正令施與卿大夫時有言教至焉故云令也后於畿外全無言教所及故以掌王之陰事陰令注陰事羣妃御見之事事言之也

掌王之陰事陰令注陰事羣妃御見之事

若今掖庭令晝漏不盡八刻白錄所記推當御見者陰

令王所求爲於北宮音義

見賢遍反下同掖劉音亦疏注釋曰云陰

之事者謂若九嬪職後鄭所云者是也又云陰令王所求爲於北宮者王於北宮求爲謂若縫人女御爲王裁縫衣裳及絲象織紵之等皆是王之所求索王之所造爲者也言北宮者對王六寢在南以后六宮在北故云北宮也

閤人掌守王宮之中門之禁注中門於外內爲中若今

宮闕門鄭司農云王有五門外曰臯門二曰雉門三曰

庫門四曰應門五曰路門路門一曰畢門玄謂雉門三

門也春秋傳曰雉門災及兩觀音義

觀古疏釋曰言閤喚反人者墨者

使守門閤人守王宮中門耳中門者王有五門雉門爲中門掌守雉門之禁譏其出入之者也注釋曰中門於

外內爲中者雉門外有臯庫內有應路故云於外內爲中也鄭司農云王有五門庫門在雉門內爲中門路門一曰畢門者取尚書顧命云二人爵弁立于畢門之內言路門者路大也人君所居皆曰路以大爲名言畢門者從外而入路門爲終畢立謂雉門爲三門者破先鄭雉門爲二門必知雉門爲中門者凡平常諸侯三門有臯應路詩云乃立臯門臯門有亢乃立應門應門將將者是也若魯三門則有庫雉路故明堂位說魯制三兼四云庫門天子臯門則庫門向外兼臯門矣又云雉門天子應門則雉門向內兼應門矣既言庫門向外兼臯門雉門向內兼應門則天子五門庫門在雉門外明矣又引春秋傳者定公二年夏五月壬辰雉門及兩觀災公羊傳曰曷爲不言雉門災及兩觀主災者兩觀也主災者兩觀則曷爲後言之不以微及大也今鄭所引不與彼傳同者鄭勦傳非彼正文也引之者證魯有三門雉門有兩觀爲中門則知天子五門雉門亦爲中門有

兩觀喪服凶器不入宮潛服賊器不入宮奇服怪民不

入宮注喪服衰經也凶器明器也潛服若衷甲者賊器

盜賊之任器兵物皆有刻識奇服衣非常春秋傳曰危

奇無常怪民狂易音義

衰徐音崔識式志反又音式
危亡江反易以豉反徐音陽

疏

注釋曰鄭云喪服衰經也者案下曲禮云苞屨扱衽厭冠不入公門苞屨謂杖齊衰扱衽斬衰初死服厭冠總小功冠檀弓云士唯公門脫齊衰服問云大功免經鄭云衰經義出於彼也云凶器明器也者案士喪禮主人所造曰明器賓客所致曰就器此經凶器亦應兼有就器而云凶器明器者以主人明器爲主也云潛服若衷甲者謂若襄公二十七年將盟于宋西門之外楚人衷甲是也云兵物皆有刻識者案定十年侯犯以郈叛叔

孫氏之甲有物是也云奇服衣非常春秋傳曰虺奇無
常者案閔二年晉使大子申生伐東山臯落氏衣以偏
衣佩之金玦罕夷曰虺奇無常金玦不復先丹木曰狂夫阻之是也凡內人公器賓客無

帥則幾其出入注三者之出入當須使者符節乃行鄭

司農云公器將持公家器出入者幾謂無將帥引之者

則苛其出入音義

帥色類反注同使色吏反將帥子匠反苛本又作呵呼河反又音何徐黑

嗟疏

注釋曰云當須使者符節以時啓閉注時漏盡疏反疏者道路用旌節乃得行耳

以時啓閉注時漏盡疏

注釋曰漏盡者謂若夏至晝則日見之漏六十刻夜則四十刻冬至晝則日見漏四十刻夜則六十刻就時之

間大判九日校一刻

凡外內命夫命婦出入則爲之闢注辟行人

使無干也內命夫卿大夫士之在宮中者音義

爲于僞反闢本

又作辟婢亦疏注釋曰內命夫卿大夫士之在宮中者反避也注同謂若宮正所掌者也對在朝卿大夫士

爲外命夫鄭雖不解外內命婦其外命婦則掌埽門庭總外內命夫之妻內命婦即三夫人已下也

注門庭門相當之地音義

埽素報反

疏

注釋曰閭人掌中門則門相當之地唯中

門外之地謂之門庭也若餘門庭則各有守門者掃之也

大祭祀喪紀之事設門燎

躡宮門廟門注燎地燭也躡止行者廟在中門之外音

義

燎力召反又力弔反

疏

釋曰喪紀設門燎躡宮門廟門者大喪以下朝廟及出葬之時宮中及廟門皆

設門燎躡止行人也注釋曰燎地燭也者燭在地曰燎謂若天子百公五十侯伯子男皆三十所作之狀蓋百

根輩皆以布纏之以蜜塗其上若今騰燭矣對人手藝者爲手燭故云地燭也又云廟在中門之外者謂若小

宗伯云左宗廟右社稷

凡賓客亦如之疏

釋曰賓客在宮中廟中謂若饗食在廟燕在寢

皆爲設門燎及蹕止行人

寺人掌王之內人及女宮之戒令相道其出入之事而

糾之注內人女御也女宮刑女之在宮中者糾猶觀察

也音義

相息亮反下及注同道徒報反後同

疏

注釋曰女宮刑女之在宮中者謂男女没入在宮爲

嬪者也

若有喪紀賓客祭祀之事則帥女宮而致於有司

注有司謂宮卿世婦疏

注釋曰知有司是宮卿世婦者案春官宮卿世婦云掌女宮之

宿戒及祭祀比其具此既言致於有司明是男子官佐
宮卿所掌女宮也非是下文世婦之帥女宮者也

世婦治禮事注世婦二十七世婦疏

注釋曰上云有司是宮卿世婦恐此

亦是彼世婦故鄭云二十七世婦以寺人是奄者故得
佐世婦治喪事禮事即世婦所掌祭祀賓客喪紀之事

是掌內人之禁令凡內人弔臨於外則帥而往立于其

前而詔相之注從世婦所弔若哭其族親立其前者賤

也賤而必詔相之者出入於王宮不可以闕於禮音義

臨良鳩疏

注釋曰鄭知從世婦不自弔臨者此直言凡
反後同內人弔臨于外不指斥其事故知不自弔臨

案世婦職云掌弔臨于卿大夫之喪故內人得從之也
云若哭族親者世婦所掌弔唯云弔卿大夫云哭族親

據理而言王后有哭族親之法則內人女御亦往哭之

內豎掌內外之通令凡小事注內后六宮外卿大夫也

使童豎通王內外之命給小事者以其無與爲禮出入

便疾內外以大事聞王則俟朝而自復音義

便婢面反朝直遙反

下疏

注釋曰鄭知豎是童子者謂若春秋左氏叔孫穆子於庚宗婦人生牛牛能奉雉使爲豎也又知童

子無與爲禮者案禮記玉藻云童子無事則立於主人之南北面云內外以大事聞王則俟朝而自復者經云

凡通小事復白也明大事待朝自復不使內豎也

若有祭祀賓客喪紀之事則

爲內人蹕注內人從世婦有事於廟者內豎爲六宮蹕

者以其掌内小事音義

爲于僞反注下同

疏

釋曰此豎爲祭祀賓客喪紀三事爲

内人蹕者皆謂在廟時若然祭祀在廟謂禘祫四時之祭祀也賓客在廟謂饗食時也喪紀在廟謂喪朝廟爲祖奠遣奠時也皆爲内人蹕止行人也注釋曰鄭知此内人從世婦者内人卑不專行事案下世婦職云掌祭祀已下三事與此經三事同明此内人從世婦而濯概及爲綵盛也云内豎爲六宮蹕者以其掌内小事者以其蹕止行人既是小事故還使内豎掌小事者蹕也

王后之喪遷于宮中則前蹕

及葬執褻器以從遣車注喪遷者將葬朝于廟褻器振

節頽沐之器音義

遣棄戰反後遣車皆放此頽呼内反

疏

釋曰后喪遷於宮中謂七月而

葬將葬而朝七廟則亦使内豎在車前蹕止行人也云及葬執褻器以從遣車者謂朝七廟訖且將行在大祖

廟中爲大遣奠苞牲取下體天子大牢苞九箇遣車九乘后亦同使人持之往如墓則此內豎執褻器從遣車之後以其遣車載牲體鬼神依之故使執褻器從之若生時亦執褻器從也注釋曰鄭知喪遷是將葬朝於廟者以其喪柩遷在宮中唯有朝廟時故禮記檀弓云周朝而遂葬是也云褻器振飾類沐之器者以其從遣車若生時從后后之私褻小器唯有振飾類沐之器故爲此解也若然玉府云凡褻器鄭注以爲清器虎子不爲振飾類沐器者彼據生時故與牀第等連文但死者器物雖皆不用仍法其威儀者故此注褻器爲振飾類沐之器不爲清器虎子也知其振飾類沐器者案特牲爲尸而有槃匱并有簞巾巾爲振飾槃匱爲盥手明其類面沐髮亦有之故既夕禮用器之中有槃匱是送葬之時有褻器也

九嬪掌婦學之灋以教九御婦德婦言婦容婦功各帥

其屬而以時御敘于王所注婦德謂貞順婦言謂辭令
婦容謂婉婉婦功謂絲枲自九嬪以下九九而御於王
所九嬪者既習於四事又備於從人之道是以教女御
也教各帥其屬者使亦九九相與從於王所息之燕寢
御猶進也勸也進勸王息亦相次敘凡羣妃御見之法
月與后妃其象也卑者宜先尊者宜後女御八十一人
當九夕世婦二十七人當三夕九嬪九人當一夕三夫
人當一夕后當一夕亦十五日而徧云自望後反之孔

子云日者天之明月者地之理陰契制故月上屬爲天

使婦從夫放月紀音義

婉於阮反婉音晚見賢通疏釋反月上時掌反放方往反

云掌婦學之法者謂婦人所學之法即婦德已下是也
言以時御敘于王所者謂月初卑者爲始望後尊者爲
先是也注釋曰鄭知婦德謂貞順已下義如此者但此
經唯有四事之言無別事目案內則云姆教婉婉聽從
執麻枲治絲繭織紃組紃故鄭此注婦德謂貞順當彼
聽從此云婦容謂婉婉還當彼婉婉也此云婦功謂絲
枲還當彼執麻枲已下惟婦言注與彼少異此注以婦
言謂辭令彼內則注以婉爲言語婉之言媚也謂容貌
也不同者以彼經無四事之言故分婉婉爲二事以充
四德此有四事之言故并婉婉爲容貌別以辭令解婦
言然彼以婉婉亦兼婦言者以其言語婉順亦得爲容
貌故也云自九嬪以下九九而御於王所者欲見三夫

人及后各當一夕不爲九御也言此者釋經稱女御爲九御之意云九嬪者既習於四事又脩於從人之道是以教女御也者釋經使九嬪教女御之意云既習於四事即經婦德之等是也云又備於從人之道謂御序之事即經各帥其屬以時御敘於王所是也云各帥其屬者使亦九九相與從於王所息之燕寢者此釋經以時御敘于王所之事云亦九相配故以亦言之也云御猶進也勸以作二事皆九人相配故以亦言之也云御猶進也勸也進勸王息者案左傳云君子晝以訪問夜以安身女者定男於夜節宣其氣故云勸王息也云亦相次敘者亦上居宮有次敘也云凡羣妃御見已下無正文鄭以意消息婦人者陰象月紀故月與后妃共象也云卑者宜先尊者宜後者案禮運云三五而盈三五而闕后以下法之故從微嚮著卑者宜先從著嚮微卑者宜後也云亦十五日而徧云者言亦者亦上居宮言云者亦無正文故以云疑之也云孔子云已下者孝經援神契文

但彼是孔子所作故言孔子云也云日者天之明者本合在天云月者地之理者本合在地今以陽尊而陰卑月乃爲天契制所使故云陰契制上屬爲天使是以月上屬於天隨日而行云婦從夫放月紀者解后已下就王燕寢而凡祭祀贊玉盥贊后薦徹豆籩注玉盥王敦御之意

受黍稷器后進之而不徹故書玉爲王杜子春讀爲玉

音義

盥音洛劉祖稽反敦音對

疏

釋曰言凡祭祀者后無外事唯有宗廟禘祫與四時月祭等故云凡

祭祀贊玉盥者但祭祀之時男子進俎婦人設豆籩簋薦贊助也助后薦玉盥也云贊后薦徹豆籩者豆籩之薦與徹皆助后也注釋曰云玉盥王敦受黍稷器者案明堂位云有虞氏之兩敦周之八簋則周用簋特牲少牢大夫士用敦今周天子用玉敦者明堂位賜魯得兼用四代之器用敦明天子亦兼用可知云玉敦者謂以

王飾敦謂若王府云珠盤王敦但彼以珠盤盛牛耳王敦盛血此王敦盛黍稷爲異耳云后進之而不徹知者豆籩云贊薦徹王廡直贊不云薦徹明直贊進之而已案禮器云管仲鏤簋注云天子飾以玉此直云王敦則簋亦飾以玉而不云者但王敦后親執而設之故特言之其簋則九嬪執而授后后設之若少牢主婦親受非近醢醢其餘婦贊者授主

婦主

婦設之

故不言也

若有賓客則從后注當贊后

事疏

注釋曰

后之有事於賓客者唯有諸侯來朝

大喪

帥敘哭者亦如之

注亦從后帥猶道也后哭之衆次敘

者乃哭疏

釋曰

大喪謂王喪帥敘哭者謂若外內命婦哭時皆依尊卑命數在后後爲前後列位哭

之故須帥導使有次敘也

周禮注疏卷七

周禮注疏卷七考證

職內疏云以逆邦國之賦用者○監本脫云字國字今
据經文改正

職歲凡官府都鄙羣吏之出財用疏用有常式○式監
本訛作職今依大宰九式之式改正

司裘王大射注又方制之以爲辜○臣紱按辜字字書

無之當作辜從昌從羊音義本亦作準是也內宰職
淳制之淳釋文作淳足以證之

內宰大祭祀后裸獻則贊瑤爵亦如之○石經瑤爵上衍贊字既云亦如之則不必言贊矣

凡建國佐后立市注王立朝而后立市陰陽相成之義次思次也○監本成訛作承思訛司今据疏及司市職文改正

閹人掌守王宮之中門之禁疏雉門外有臯庫內有應路○內監本訛作門今改正

寺人掌王之內人及女宮之戒令疏女宮刑女之在宮

中者謂男女没入在宮爲嬪者也○嬪疑是役字

周禮注疏卷七考證

欽定四庫全書

經部

周禮注疏卷

九八

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官助教_臣汪錫魁

謄錄貢生_臣倪沛潮

謄錄監生_臣沈浩

欽定四庫全書

周禮注疏卷八

漢鄭氏注 唐陸德明音義 賈公彥疏

世婦掌祭祀賓客喪紀之事帥女官而濯概為盥盛注

概抵也為猶差擇音義概古反拭音式膏也疏釋曰此婦人所

廟賓客謂饗食諸侯在廟喪紀謂大喪朝廟設祖奠與

天遣奠時為此三事則帥女官而濯概案少牢饗人概

鼎俎廢人概既司宮概豆籩皆使男子官不使婦人

者彼以大夫家無婦官故無刑女故并使男子官此天

子禮有刑女反婦官故與彼異也注釋曰祭祀黍稷春

人春之饌人炊之皆不使世婦故此為非春非炊是差

擇可及祭之日泣陳女宮之具凡內羞之物注泣者臨

也內羞謂房中之羞音義

泣音利又音類

疏

釋曰案春官世婦

宿戒及祭祀比其具此官直臨之而已云凡內羞之物者謂糗餌粉餼案少牢皆從房中而來故名為內羞是

以鄭云內羞房中之羞也掌弔臨于卿大夫之喪注王使往弔疏

注釋

曰案內宗云凡卿大夫之喪掌其弔臨注云王后弔臨諸侯而已是以言掌卿大夫云文同而注異者彼上文云王后有事則從大喪序哭者哭諸侯亦如之彼文與后事相連彼主於后此上文無后故知此王使往可知也若然后無外事彼弔諸侯謂三公王子母弟若畿外諸侯則后不弔以其王為三公六卿錫衰諸侯總衰后不弔畿外諸侯既輕於王之卿卿既后不親弔畿外諸侯不親弔可知若然喪大記諸侯夫人弔卿大夫士之

喪者以其諸侯臣少故不分別尊卑夫人皆弔之也案司服公卿大夫皆王親弔之此文使世婦往弔者此蓋使世婦致禮物但弔是大名雖致禮亦名為弔是以大僕云掌三公六卿之弔勞注云王使往小臣云掌士大夫之弔勞注云致禮同名為弔是其事也此所弔不言三公與孤者文不具也

女御掌御敘于王之燕寢注言掌御敘防上之專妬者

于王之燕寢則王不后就后宮息也疏注釋曰鄭云掌御敘防上之專妬者

鄭解不使九嬪世婦掌房之意若使在上掌之則有妬疾自專之事今使女御掌之官卑不敢專妬故也云于

王之燕寢則王不后就后宮息者破舊說云王就后宮者故鄭云此也以歲時獻功事注絲

枲成功之事疏注釋曰上內宰云教九御使各有屬以作二事即此獻功之事故知此經獻功

事是絲象為布帛成而獻之也凡祭祀贊世婦注助其帥涖女宮疏注釋

曰上世婦職云掌祭祀賓客喪紀帥女宮及祭之日涖女宮之具故知此贊者助其帥涖女宮也大喪

掌沐浴注王及后之喪疏注釋曰王及后喪沐浴用潘浴用湯始死為之於南牖下但

男子不死於婦人之手今王喪亦使女御浴者案士喪禮浴時男子抗衾則不使婦人今王喪沐浴或使婦人而

浴未必婦人或亦供給湯物而已亦得謂之掌也后之喪持嬰注嬰棺飾也持

而從柩車音義嬰所甲反疏釋曰案禮器云天子八嬰又漢制度皆戴辟后喪亦同將葬向

壙之時使此女御持之左右各從世婦而弔于卿大夫

之喪注從之數蓋如使者之介云音義使所吏反疏注釋

曰王之妃妾三夫人象三公九嬪象孤卿二十七世婦
象大夫女御象元士但介數依命數為差則王之大夫
四命世婦之從亦四人以無
正文故言蓋言云以疑之也

女祝掌王后之內祭祀凡內禱祠之事注內祭祀六宮

之中竈門戶禱疾病求瘳也祠報福音義禱丁考反一

疏注釋曰依祭法王立七祀有戶竈中雷門行泰厲司
命后亦與王同今鄭直云內祭祀竈門戶者以其婦

人無外事無行與中雷之等其竈與門戶也案月令春祀戶
作所由后亦當祀之故言竈與門戶也

夏祀竈秋祀門后祀之時亦當依此也云禱疾病求瘳
祠報福者以其后無外事禱祠又是非常之祭故知唯

有求瘳報掌以時招梗禴禳之事以除疾殃注鄭大夫
福之事也

讀梗為亢謂招善而亢惡去之杜子春讀梗為更玄謂

梗禦未至也除災害曰禴禴猶刮去也卻變異曰禴禴

攘也四禮唯禴其遺象今存音義梗古猛反徐依鄭音

反禴如羊反去疏釋曰云掌以時招梗禴禴者此四事

起呂反下同並非常求福去殃之事云以時者謂

隨其事時不必要在四時也云招者招取善祥梗者禦

捍惡之未至禴者除去見在之災禴者推卻見在之變

異此四者皆與人為疾殃故云以除疾殃也注釋曰鄭

大夫以梗為亢惡去之玄不從以為禦未至者以禴禴

二者已是去惡復以梗為亢惡去之文煩而無禦未至

之事故不從鄭大夫為亢惡也鄭大夫云招善者玄從

之也杜子春云讀梗為更義無所取玄亦不從之也云

四禮唯禴其遺象今存者此四禮至漢時招梗及禴不

行唯襮一禮漢日猶存其遺象故云遺象今存也

女史掌王后之禮職掌內治之貳以詔后治內政注內

治之法本在內宰書而貳之音義

治直吏反注同疏釋曰案上叙官鄭注

云女史女奴曉書者是以掌王后禮之職事注釋曰云內治之法本在內宰者案內宰職云掌書版圖之法以

治王內之政令今此云掌內治之貳故知內逆內宮注

鉤考六宮之計疏

釋曰逆謂逆而鉤考之言內宮亦對王之六寢為內宮謂六宮所有費用

財物及米粟皆當鉤考之也

書內令注后之令疏

注釋曰內令亦對王令為內故鄭云

后之令謂書而宣布於六宮之中也凡后之事以禮從注亦如大史之從

於王疏

注釋曰案大史職云大會同朝覲以書協禮事及將幣之日執書以詔王鄭注云告王以禮事

此女史亦執禮書以從后故云如大史之於王

典婦功掌婦式之灋以授嬪婦及內人女功之事齋注

婦式婦人事之模範灋其用財舊數嬪婦九嬪世婦言

及以殊之者容國中婦人賢善工於事者事齋謂以女

功之事來取絲枲故書齋為資杜子春讀為資鄭司農

云內人謂女御女功事資謂女功絲枲之事音義齋音

又作疏注釋曰云灋其用財舊數者此即典絲典枲所授絲枲多少並有舊數依而授之云嬪婦九嬪

世婦者案內宰以作二事及婦功唯據九御而言不見
九嬪世婦有絲枲之事此言嬪婦者但三夫人無職九
嬪已下皆有之但女御四德不備須教之九嬪世婦素
解不須教之其實有婦職也是以魯語云王后織玄紵
公侯夫人紵紵卿之內子大帶則貴賤皆職事也云言
及以殊之者容國中婦人賢善工於事者案下內司服
注言及言凡殊貴賤也此云言及容國中婦人者此云
及非直殊貴賤亦含國中婦人故云容也必知有國中
婦人者以下典絲云頌絲于外內工注云外工外嬪婦
也故大宰九職云嬪婦化治絲枲是其國中婦人有嬪
婦之稱也云事齋謂以女工之事來取絲枲者以其行
道曰齋經云女功事齋故知以女工之事來取絲枲也
故書齋為資杜子春讀為資案上玄注以齊次為聲從
貝變易則兩字俱得今不破子春者從上注義可知不
復重言也凡授嬪婦功及秋獻功辨其苦良比其小而賈

之物書而揭之注授當為受聲之誤也國中嬪婦所作
成卽送之不須獻功時賈之者物不正齊當以泉計通
功鄭司農苦讀為監謂分別其縑帛與布紵之麤細皆
比方其大小書其賈數而著其物若今時題署物音義
授音受出注苦音古賈音嫁注下同揭其列疏注釋曰
反別彼列反紵音佇著直略反徐張庶反鄭知授
當為受者以其上文已授女功故知此為受云國中嬪
婦所作成卽送之不須獻功時者以其經受嬪婦功在
秋獻功上故不待秋獻功也云賈之者物不正齊當以
泉計通功者婦人雖等受絲枲作有麤細善惡故以泉
計而通為功布絹惡者盡其材猶不克功布絹善者少
送以克功直故云泉計通功也司農云苦讀為監已下

云云者司農之意以典婦功是都司總掌故分別布帛其典絲卽唯主絲絲為良者也典枲唯主布布為苦者也若後鄭之義卽以典婦功主良典絲典枲主苦者又以絲枲之中各自有苦良若然經云苦謂就良中苦者也云皆比方其大小者謂比方以共王及后之用頒之其細小者復比方其麤大也

于內府疏

釋曰此於典絲典枲處受其良好者入此典婦功藏之以待王及后之用故藏之於內府也

典絲掌絲入而辨其物以其賈揭之注絲入謂九職之

嬪婦所貢絲疏

釋曰云辨其物者典絲唯受絲入而云辨其物謂絲有善惡麤細不同非謂別

有餘物也注釋曰后宮所蠶之絲自於后宮用之以為祭服不入典絲其歲之常貢之絲若禹貢兗州貢漆絲

之等且餘官更無絲入之文亦當入此典絲也掌其藏與其出以待興功之時

注絲之貢少藏之出之可同官也時者若溫煖宜縑帛

清涼宜文繡疏

注釋曰案經餘官內府玉府等皆不云掌其藏與其出此官獨云掌其藏與其

出故云絲之貢少藏之出之可同官也云時者若溫煖宜縑帛清涼宜文繡者鄭以目驗知之文繡必於清涼者以其文繡染絲為之若於夏暑損色故待秋涼為之也頒絲于外內工皆以物授

之注外工外嬪婦也內工女御疏

釋曰言以物授之者若縑帛則授之以素

絲若文繡則授之以綵絲故以物而言也注釋曰上典婦功云凡授嬪婦功并有九嬪世婦此注內工不言嬪婦直云女御者案內宰職教女御以作二事及九嬪職教九御以婦職則女御專於絲枲也九嬪世婦四德自

備不常為絲枲假使為之以其善事所造唯典婦功以共王及后所用不在典絲枲故鄭注內工中不言也凡上之賜予亦如之注王以絲物賜人疏釋曰云亦如授之謂王以絲物賜人者也及獻功則受良功而藏之辨其物而書

其數以待有司之政令上之賜予注良當為苦字之誤受其麤鹽之功以給有司之公用其良功者典婦功受

之以共王及后之用鄭司農云良功絲功縑帛音義良音

苦出疏注釋曰鄭破良為苦者以其典絲枲授絲枲注使外內工所造縑帛之等良者入典婦功以共

王及后之用故典枲直有苦者而無良者明典絲亦不得有良者故破良為苦必從苦者見典婦功有良苦之

字故破從苦苦卽麤鹽者也先鄭言良功絲功縑帛者先鄭之意以為絲功為良臬功為鹽故不破良為苦玄既不從引之在下者亦得為一義故也

凡祭祀共黼畫組就之物注以給

衣服冕旒及依盥巾之屬白與黑謂之黼采色一成曰

就音義

依於豈反盥音管

疏

釋曰言凡祭祀者謂祭祀天地宗廟社稷山川之等故言凡以廣之

云共黼畫者凡祭服皆畫衣繡裳但裳繡須絲衣畫不須絲而言共絲者大夫已上裳皆先染絲則玄衣亦須絲為之乃後畫故兼衣畫而言之也組就者謂以組為冕旒之就故組就連言之云之物者謂絲之物色共之注釋曰云以給衣服者經云共據王而言注云給據臣而言鄭欲見尊卑皆授絲物也言衣服釋經黼畫但周之冕服九章衣五章裳四章龍袞已下直言黼者據美者而言謂若詩云衣袞及黼周書云麻冕黼裳之類云

冕旒者釋經組就謂若弁師云十二就之等云及依者亦釋經黼此據祭祀謂若掌次大旅上帝設皇邸邸即屏風為黼文云盥巾者亦釋經黼謂若冢人職云王巾皆黼之類云之屬者殯有加斧於椁上及綃黼丹朱之類也云白與黑謂之黼者績人職文云采色一成曰就者謂若典瑞云五采五就弁師十二就之等皆是采色一成為喪紀其其絲續組文之物注以給線縷著盱口就也

綦握之屬青與赤謂之文音義

續音曠劉古曠反線似戰反著直略反下同徐

豬略反盱香于反綦劉音其疏注釋曰此鄭並據士喪沈音忌握烏學反劉烏豆反禮而言云以給線縷者謂所裁縫皆用線縷釋經絲也云著盱口綦握之屬者釋經續組案士喪禮握手玄纁裏著組繫案喪大記屬續以俟絕氣內則云屨著綦鄭云綦屨繫是用續組之事也云青與赤謂之文續人職文繡之屬亦用絲故連

言凡飾邦器者受文織絲組焉注謂茵席屏風之屬音

義

織音志茵音因

疏

注釋曰上既言祭祀喪紀所用絲纊訖今復云飾邦器故知此據生人所飾器物言

茵者謂席若少儀云枕几茵穎之等鄭云茵著褥是也云席者謂席之四緣若司几筵云紛純畫純黼純之等是也屏風者卽上文注黼依也重言之者上據祭祀時此據為王所用謂若司几筵云展前者是也云之屬者謂國家所用文織絲組處皆受之故云之屬以廣之

歲終則各以其物會之注種

別為計鄭司農云各以其所飾之物計會傳著之音義

會舊古外反戚疏注釋曰言種別為計者自上經所用戶外反傳音附疏掌其藏與其出及黼畫已下各別為

計故司農云各以其所飾之物計會傳著者謂此物之多少作文書使相傳著共一簿也

典臬掌布總縷紵之麻草之物以待時頒功而授齋注

總十五升布抽其半者白而細疏曰紵雜言此數物者

以著其類衆多草葛蒚之屬故書齋作資音義數色主反一音

所蒚苦迥反又口

疏

釋曰云掌布總縷紵之麻草之物者欲見布總縷用麻之物紵用草

穎反劉枯熒反

之物布中可以兼用葛蒚之草為之云以待時頒功而授齋者上典絲鄭注解時者用絲有四時之別此鄭不

解麻草所為四時皆得故不釋也云授齋者亦如典婦功注謂以女功事來取者注釋曰鄭知總十五升布抽

其半者禮記雜記文白而細疏曰紵者鄭目驗而知之

及獻功受苦功以其賈揭

而歲之以待時頒注其良功亦入於典婦功以共王及

后之用鄭司農云苦功謂麻功布紵音義

苦音古

疏

釋曰

者即上典婦功云秋獻功是也云以待時頒者即下文頒衣服及賜予是也注釋曰云其良功亦入於典婦功

者亦欲見典絲典枲良功皆入典婦功苦功自入此故與典絲同為此解也司農云苦功謂麻功布紵者先鄭

意絲功為良故彼注不破良字云良功縑帛也此典枲云苦功謂麻功為鹽麤之功玄引之在下亦見得通一

也義頒衣服授之賜予亦如之注授之授受班者帛言待

有司之政令布言班衣服互文疏

注釋曰言授受班者謂王賜無常云帛言

待有司之政令布言班衣服者帛謂典絲布謂典枲據成而言知為互文者以其典絲典枲俱不為王及后之

用皆將頒賜故歲終則各以其物會之疏釋曰鄭無注知互見為義也

典絲同彼已注
故於此畧也

內司服掌王后之六服褱衣揄狄闕狄鞠衣展衣緣衣
素沙注鄭司農云褱衣畫衣也祭統曰君卷冕立于阼
夫人副褱立于東房揄狄闕狄畫羽飾展衣白衣也喪
大記曰復者朝服君以卷夫人以屈狄世婦以褱衣屈
者音聲與闕相似褱與展相似皆婦人之服鞠衣黃衣
也素沙赤衣也玄謂狄當為翟翟雉名伊雒而南素質
五色皆備成章曰翟江淮而南青質五色皆備成章曰

搖王后之服刻繒為之形而采畫之綴於衣以為文章
褱衣畫褱者揄翟畫搖者闕翟刻而不畫此三者皆祭
服從王祭先王則服褱衣祭先公則服揄翟祭羣小祀
則服闕翟今世有圭衣者蓋三翟之遺俗鞠衣黃桑服
也色如鞠塵象桑葉始生月令三月薦鞠衣于先帝告
桑事展衣以禮見王及賓客之服字當為禮禮之言亶
亶誠也詩國風曰玼兮玼兮其之翟也下云胡然而天
也胡然而帝也言其德當神明又曰璫兮璫兮其之展

也下云展如之人兮邦之媛也言其行配君子二者之義與禮合矣雜記曰夫人脫稅衣揄狄又喪大記曰士妻以祿衣言祿者甚衆字或作稅此緣衣者實作祿衣也祿衣御于王之服亦以燕居男子之祿衣黑則是亦黑也六服備於此矣祿揄狄展聲相近緣字之誤也以
下推次其色則闕狄赤揄狄青祿衣玄婦人尚專一德無所兼連衣裳不異其色素沙者今之白縛也六服皆袍制以白縛為裏使之張顯今世有沙縠者名出于此

音義

同緣或作祿音遙鞠居六反又丘六反展張彥反注

屈音闕檀張彥反鞞音暉見賢遍反亶丹但反玼音此

劉倉我反本亦作瑳與下瑳字同倉我反展如字媛音

援行下孟反稅劉吐亂反縛劉音絹聲類以為今作絹

字說文云鮮色也居援反徐升卷反沈升絹反張如字

帳音疏釋曰云掌王后之六服者自禕衣至緣衣是六

目言衣也禕當為鞞即鞞雉其色玄也揄狄者揄當為

搖狄當為翟則搖雉其色青也闕狄者其色赤上二翟

則刻繪為雉形又畫之此闕翟亦刻為雉形不畫為之

彩色故名闕狄也此三翟皆祭服也鞠衣者色如鞠塵

色告桑之服也展衣者色白朝王及見賓客服緣當為

祿祿衣者色黑御于王服也素沙者此非服名六服之

外別言之者此素沙與上六服為裏使之張顯但婦人

之服不殊裳上下連則此素沙亦上下連也王之吉服

有九章弁以下常服有三與后鞠衣以下三服同但王之祭服有六后祭服唯有三翟者天地山川社稷之等后夫人不與故三服而已必知外神后夫人不與者案內宰云祭祀裸獻則贊天地無裸言裸唯宗廟又內宗外宗佐后皆云宗廟不云外神故知后於外神不與是以白虎通云周官祭天后夫人不與者以其婦人無外事若然哀公問云夫人為天地社稷主者彼見夫婦一體而言也注釋曰司農云禕衣畫衣也者先鄭意禕衣不言狄則非翟雉知畫衣者以王之冕服而衣畫故知后衣畫也又引祭統者彼據二王後夫人助祭服禕衣與后同也揄狄闕狄畫羽飾者以其言狄是翟羽故也云展衣白衣也者見鞠衣黃以土色土生金金色白展衣文承鞠衣之下故知展衣白也引喪大記證闕狄與展衣為婦人服故也彼君以卷據上公而言夫人以屈翟據子男夫人復時互見為義云世婦以禮衣者彼亦據諸侯之世婦用禮衣復之所用也云鞠衣黃衣也素

沙赤衣也者先鄭意以素沙為服名又以素沙為赤色義無所據故後鄭不從之玄謂狄當為翟者破經二狄從翟雉之翟也伊洛而南已下至曰搖皆爾雅文言伊水而南有雉素白為質兼青赤黃黑五色皆備成其文章曰翟雉云江淮而南青質五色皆備有以成文章曰搖雉玄引此者證禕揄為雉也又云翟衣畫翟者以先鄭禕衣不言翟故增成搖狄畫搖者亦就足先鄭之義云闕翟刻而不畫者此無正文直以意量之言翟而加闕字明亦刻繒為雉形但闕而不畫五色而已云此三者皆祭服者對鞠衣已下非祭服也云從王祭先王則服禕衣祭先公則服搖翟祭羣小祀則服闕翟鄭言此者欲見王后無外事唯有宗廟分為二與王祀先王衰冕先公驚冕同差羣小祀王玄冕故后服闕翟云今世有圭衣者蓋三翟之遺俗者漢時有圭衣刻為圭形綴於衣是由周禮有三翟別刻繒綴於衣漢俗尚有故云三翟遺俗也云鞠衣黃桑服也者謂季春將蠶后服之

告先帝養蠶之服云色如鞠塵者麤塵不為麤字者古
通用云象桑葉始生者以其桑葉始生即養蠶故服色
象之引月令者證鞠衣所用之事故云告桑事也云展
衣以禮見王及賓客之服知義然者以其鞠衣在上告
桑之服祿衣在下御於王之服展衣在中故以為見王
及賓客之服但后雖與王體敵夫尊妻卑仍相朝事與
賓同諸侯為賓客於王后助王灌饗賓客則后有見賓
客之禮是以亦服展衣也云字當為禮禮之言亶亶誠
也者案禮記作禮詩及此文作展皆是正文鄭必讀從
禮者二字不同必有一誤禮字衣旁為之有衣義且爾
雅展亶雖同訓為誠展者言之誠亶者行之誠貴行賤
言禮字以亶為聲有行誠之義故從禮也又引詩者鄭
風刺宣姜淫亂不稱其服之事云其之翟也胡然而天
也胡然而帝也言其德當神明又曰其之展也展如之
人兮邦之媛也言其行配君子云二者之義與禮合矣
者言服翟衣尊之如天帝比之如神明此翟與彼翟俱

事神之衣服展則為邦之媛明展衣朝事君子之服此
禮見王及賓客服故云二者之義與禮合若然內則注
夫人朝於君次而祿衣也者彼注謂御朝也引雜記及
喪大記者欲破緣衣為祿衣之事云字或作稅者或雜
記文故雜記云夫人稅衣又云狄稅素沙竝作稅字亦
誤矣故云此緣衣者實祿衣也云祿衣御于王之服亦
以燕居者案尚書多士傳云古者后夫人侍於君前息
燭後舉燭至於房中釋朝服然後入御於君注云朝服
展衣君在堂大師雞鳴于簷下然後后夫人鳴珮玉于
房中告燕服入御以此而言云釋展衣朝服告以燕服
然後入御明入御之服與燕服同祿衣以其展衣下唯
有祿衣故知御與燕居同祿衣也以其御與燕居同是
私褻之處故同服云男子之祿衣黑則是亦黑也者男
子祿衣黑禮雖無文案士冠禮陳服於房爵弁服皮弁
服玄端服至於士喪禮陳襲事于房亦云爵弁服皮弁
服祿衣祿衣當玄端之處變言之者冠時玄端衣裳別

及死襲時玄端連衣裳與婦人祿衣同故雖男子之玄
端亦名祿衣又見子羔襲用祿衣纁衽譏襲婦服纁衽
與玄衣相對之物則男子祿衣黑矣男子祿衣既黑則
是此婦人祿衣亦黑可知鄭言此者以六服之色無文
欲從下向上推次其色以此為本故言之也云六服備
於此矣者經傳云婦人之服多矣文皆不備言六服唯
此大為備故言六服備於此矣鄭言此者亦欲推次六
服之色故也云祿揄狄展聲相近者祿與鞞揄與搖狄
與翟展與禮四者皆是聲相近故云誤也云緣字之誤
也者緣與祿不得為聲相近但字相似故為字之誤也
云以下推次其色則闕翟赤揄翟青祿衣玄者王后六
服其色無文故須推次其色言推次者以鞠衣象麤塵
其色黃祿衣與男子祿衣同其色黑二者為本以五行
之色從下向上以次推之水性既黑祿衣象之水生於
金祿衣上有展衣則展衣象金色白故先鄭亦云展衣
白衣也金生於土土色黃鞠衣象之土生於火火色

鞠衣上有闕翟則闕翟象之赤矣火生於木木色青闕翟上有揄翟象之青矣五行之色已盡六色唯有天色玄禕衣最在上象天色玄是其以下推次其色也云婦人尚專一德無所兼連衣裳不異其色者案喪服上云斬衰裳下云女子髻衰三年直言衰不言裳則連衣裳矣又昏禮云女次純衣亦不言裳是其婦人連衣裳裳衣既連則不異其名必不異色者為婦人尚專一德無所兼故也云素沙者今之白縛也者素沙為裏無文故舉漢法而言謂漢以白縛為裏以周時素沙為裏耳云六服皆袍制以白縛為裏使之張顯者案雜記云子羔之襲繭衣裳則是袍矣男子袍既有衣裳今婦人衣裳連則非袍而云袍制者正取衣複不單與袍制同不取衣裳別為義也云今世有沙穀者名出于此者言辨外漢時以穀之衣有沙穀之名出於周禮素沙也

內命婦之服鞠衣展衣緣衣素沙注內命婦之服鞠衣

九嬪也展衣世婦也緣衣女御也外命婦者其夫孤也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯伯之夫人揄狄

子男之夫人亦闕狄唯二王後褱衣疏

釋曰上言王后六服此論外內

命婦不得有六服唯得鞠衣已下三服尊卑差次服之而已亦以素沙為裏故云素沙也注釋曰鄭以內命婦無過三夫人已下外命婦無過三公夫人同皆得闕狄已下但經云鞠衣已下則三夫人三公夫人三公夫人已下但經云命婦之中無三夫人及三公夫人矣故內命婦從九嬪為首也鄭必知九嬪已下服鞠衣以下者但九嬪下有世婦女御三等鞠衣已下服亦三等故知鞠衣以下九嬪也展衣以下世婦也褱衣女御也云外命婦者其夫

孤也則服鞠衣其夫卿大夫也則服展衣其夫士也則服祿衣者此約司服孤絺冕卿大夫同玄冕士皮弁三等而言之孤已下妻其服無文故以此三等之服配三等臣之妻也孤妻亦如九嬪三服俱得也卿大夫妻亦如世婦展衣祿衣俱得也士妻祿衣而已但司服孤卿大夫士文承諸侯之下皆據諸侯之臣而言若然諸侯之臣妻亦以次受此服是以此玉藻云君命闕狄再命褱衣一命褱衣士祿衣注云此子男之夫人及其卿大夫士之妻命服也褱當為鞠諸侯之臣皆分為三等其妻以次受此服若然五等諸侯之臣命雖不同有孤之國孤絺冕卿大夫同玄冕無孤之國則卿絺冕大夫玄冕其妻皆約夫而服此三等之服其天子之臣服無文亦得與諸侯之臣服同是以此外命婦服亦得與諸侯臣妻服同也云三夫人及公之妻其闕狄以下乎者婦人之服有六從下向上差之內命婦三夫人當服闕狄外命婦三公夫人亦當闕狄若三夫人從上向下差之則

當揄狄是以玉藻云王后祿衣夫人揄狄注夫人三夫人若三公夫人不得過闕狄知者射人云三公執璧與子男執璧同則三公亦毳冕玉藻君命屈狄據子男夫人則三公之妻當闕狄三夫人其服不定三公夫人又無正文故總云乎以疑之也云侯伯之夫人揄狄子男夫人亦闕狄唯二王之後祿衣者玉藻云夫人揄狄夫入三夫人亦侯伯之夫人鄭必知侯伯夫人揄翟者以玉藻云君命闕狄再命鞠衣一命禮衣竝是子男之闕翟既當子男夫人以上差之侯伯夫人自然當揄翟二王後夫人當祿衣矣案喪大記云復君以卷注云上公以袞則夫人用祿衣又案隱五年公羊云諸公者何天子三公稱公若然天子三公有功加命服袞冕其妻亦得服祿衣矣此注直云二王後不云三公之內上公夫人者以其八命則毳冕夫人服闕翟不定故不言若然喪大記注云公之夫人容三公夫人兼二王後夫人矣明堂位云夫人副祿是魯之夫人亦得祿衣故彼鄭

注副禕王后之上服唯魯及王者之後夫人服之以此而言則此注亦含有九命上公夫人與魯夫人同也

凡祭祀賓客共后之衣服及九嬪世婦凡命婦共其衣

服共喪衰亦如之注凡者凡女御與外命婦也言及言

凡殊貴賤也春秋之義王人雖微者猶序乎諸侯之上

所以尊尊也臣之命者再命以上受服則下士之妻不

共也外命婦唯王祭祀賓客以禮佐后得服此上服自

於其家則降焉音義

衰七雷反上時掌反

疏

釋曰上陳尊卑以次受服之事此文陳所

用之時云凡祭祀者婦人無外事言凡祭祀唯據宗廟大小祭祀云賓客者謂后助王灌饗諸侯來朝者云共

后之衣服者祭祀其三翟賓客共展衣云九嬪世婦者謂助后祭祀賓客時云凡命婦者兼外內命婦也云喪哀亦如之者外命婦喪衰謂王服齊衰於后無服若九嬪已下及女御於王服斬衰於后服齊衰也注釋曰鄭知此中內命婦唯有女御者據上文外內命婦服唯有鞠衣已上此經上已云九嬪世婦則內命婦中唯有女御也其外命婦中則有孤妻以下云言及言凡殊貴賤也者言及者欲見九嬪賤於后言凡者欲見外命婦及女御賤於世婦也云春秋之義王人雖微者猶序於諸侯之上所以尊尊也者以其內命婦中女御卑於世婦可以言凡以殊之於外命婦中有公孤卿大夫之妻尊於女御而使外命婦總入女御中言凡以殊之者案僖公八年春王正月公會王人齊侯宋公以下盟於洮傳曰王人者何微者也曷為序乎諸侯之上先王命也是以微者即士以其天子中士已上於經見名氏天子下士名氏不見今直云人是天子下士序在諸侯上是尊

王命若九嬪雖卑於三公夫人世婦卑於孤卿妻言凡以殊之在上亦是尊尊此王之嬪婦也云臣之命者再命以上受服則下士之妻不共也者此約大宗伯男子之服彼云一命受職再命受服則天子上士三命之士再命乃受服天子下士一命則不受故鄭云下則不共也云外命婦唯王祭祀賓客以禮佐后得服此上服者也案此上經士妻祿衣大夫妻展衣案特牲主婦纁笄綃衣少牢主婦髮髻衣移袂士妻不衣祿衣大夫妻移綃衣袂不衣展衣如其夫自於家祭降服是自於其家則降上經祭祀賓客共后之服是外命婦助后祭祀賓客乃服上也

后之喪共其衣服凡內具之物注內具紛悅綌

續鞶褰之屬音義

紛本又作紛芳云反悅始銳反佩中徐音歲鞶步干反褰陳乙反

疏

釋曰后喪所共衣服者正謂襲時十二稱小斂十九稱大斂百二十稱及內具之物注釋曰知內具之物是紛

悅線續繫裘之屬者案內則婦事舅姑有紛悅線續繫裘故死者入壙亦兼有數物言之屬者案內則更有刀礪小鴈之等故云之屬以總之也

縫人掌王宮之縫線之事以役女御以縫王及后之衣

服注女御裁縫王及后之衣服則為役助之官中餘裁

縫事則專為焉鄭司農云線縷也疏

釋曰云掌王宮之縫線之事者謂在

王宮須裁縫者皆縫人縫之以役女御以縫王及后之衣服者役女御謂為女御所使役而縫王及后衣服也

注釋曰云女御裁縫王及后之衣服則為役助之者釋經以役女御縫王及后之衣服之文也云宮中餘裁縫

事則專為焉者釋經云喪縫棺飾焉注孝子既啓見棺王宮之縫線之事也

猶見親之身既載飾而以行遂以葬若存時居于帷幕而加文繡喪大記曰飾棺君龍帷三池振容黼荒火三列黻三列素錦褚加偽荒纁組六齊五采五貝黼嬰二黻嬰二畫嬰二皆戴圭魚躍拂池君纁戴六纁披六此諸侯禮也禮器曰天子八嬰諸侯六嬰大夫四嬰漢禮器制度飾棺天子龍火黼黻皆五列又有龍嬰二其戴皆加璧故書焉為馬杜子春云當為焉音義褚張呂反偽荒鄭注禮記改偽為帷纁許云反嬰疏釋曰此喪以王為主但本又作姜所甲反披彼偽反疏是王家后世子已下亦

縫棺飾焉注釋曰云孝子既啓見棺猶見親之身者鄭
欲釋與棺為飾之意云既載飾而以行遂以葬者案既
夕禮日側遂匠納車於階間卻柩而下載之於廬車之
上乃加帷荒飾棺訖乃還車向外移柩車去載處設祖
奠明日旦乃更徹祖奠設遣奠苞牲取下體乃引向壙
故云既載飾而以行遂以葬也云若存時居於帷幕而
加文繡者幕人共帷幕幄帟綬鄭注云在傍曰帷在上
曰幕是存時居於帷幕而云加文繡者生時帷幕無文
繡今死恐衆惡其親更加文繡卽所引喪大記已下是
也云君龍帷者鄭彼注畫龍為帷云三池者鄭云象生
時有承雷以竹為之闕於天子故有前及左右而已云
振容者謂於竹池之內畫搖雉於絞繒之上垂之於下
車行振動以為容儀云黼荒者鄭云荒蒙也謂車上蒙
覆之黼白黑文於荒之四畔也火三列黻三列黑與青
謂之黻兩已相背火形如半環然列行也為火形三行
為兩已相背三行云素錦褚謂幄帳諸侯以素錦為幄

帳以覆棺上云加偽荒者偽卽帷也既覆棺以褚乃加帷加荒於其上云纁紐六者紐謂繫連帷荒以纁色為之左右各三紐并之六耳云齊五采五貝者謂於荒之中央以五采繒為之綴貝絡其上形如瓜瓣然黼黻二散翼二畫翼二者案彼注引漢禮翼方扇以木為匡廣二尺兩角高二尺四寸柄長五尺以布覆之為白黑文則曰黼翼為青黑文則曰黻翼為雲氣則曰畫翼云皆戴圭者謂置圭於翼之兩角為飾也云魚躍拂池者謂於池內懸銅魚車行振動以拂池云纁戴六纁披六者謂於車輿兩廂各豎三隻軫子戴值也謂以纁為值軫其軫子各使相值因而繫前後披兩廂各使人持制之以備車之傾側也其實兩廂各三而云六者人君禮文園數而傍言六耳云此諸侯禮也者天子無文故取諸侯法以推天子禮也云禮器天子八翼已下者欲明天子加數之意云漢禮器制度者亦明衣翼柳之材注必天子加數與喪大記不同之義也

先纏衣其材乃以張飾也柳之言聚諸飾之所聚書曰
分命和仲度西曰柳穀故書翼柳作接櫝鄭司農云接
讀為翼櫝讀為柳皆棺飾檀弓曰周人牆置翼春秋傳

曰四翼不蹕音義

衣於既反注同度音宅古文庀與度字相似因此而誤接劉所甲反櫝音

柳翼所甲反

疏釋

曰翼即上注方扇是也柳即上注引喪大記帷荒是也二者皆有材縫人以

一音所立反

采繪衣纏之乃後張飾於其上故云衣翼柳之材也注釋曰云柳之言聚諸飾之所聚者即龍帷黼荒火三列

蔽三列之屬是也書曰者是濟南伏生書傳文故云度

西曰柳穀見今尚書云宅西曰昧谷度亦居也柳者諸

色所聚日將沒其色赤兼有餘色故云柳穀引之者見柳有諸色又云春秋襄二十五年左氏傳齊崔杼弑莊

欽定四庫全書

卷八

周禮注疏

子

公側之於北郭丁亥葬諸士孫之里四嬰
不蹕下車七乘是也引之者證有嬰義也掌凡內之縫
事

染人掌染絲帛凡染春暴練夏纁玄秋染夏冬獻功注
暴練練其素而暴之故書纁作窻鄭司農云窻讀當為
纁纁謂絳也夏大也秋乃大染玄謂纁玄者謂始可以
染此色者玄纁者天地之色以為祭服石染當及盛暑
熱潤始湛研之三月而後可用考工記鍾氏則染纁術
也染玄則史傳闕矣染夏者染五色謂之夏者其色以

夏狄為飾禹貢曰羽畎夏狄是其總名其類有六曰翬
曰搖曰曷曰留曰希曰蹲其毛羽五色皆備成章染者

擬以為深淺之度是以放而取名焉音義

暴步卜反劉步落反注同

染如琰反注染夏同夏戶雅反後除春夏之字皆同可
以意求不復重也竄音勳一音鬱湛徐子廉反劉慈鳩
反畎古畎字曷直劉反劉音壽徐音酬蹲音存疏釋曰
徐祖混反一音遵希如字劉張履反放方往反云凡
染春暴練者以春陽時陽氣燥達故暴曬其練夏練玄
者夏暑熱潤之時以朱湛丹秫易可和釋故夏染纁玄
而為祭服也秋染夏者夏謂五色至秋氣涼可以染五
色也冬獻功者纁玄與夏總染至冬功成並獻之於王
也注釋曰云暴練練其素而暴之者素即絹也先練乃
暴之此謂國家須練而用者非謂祭服若祭服則先染

絲乃織之不得為練也司農云纁謂絳也者絳卽爾雅及鍾氏所云三八為纁者是也云夏大也秋乃大染後鄭不從者下文有夏采及禹貢羽畎夏狄皆謂夏為五色之翟玄謂纁玄者謂始可以染此色者以其石染當及夏日乃可為故云始可也云玄纁天地之色者案易九事章云黃帝堯舜垂衣裳蓋取諸乾坤乾坤即天地之色但天玄地黃而玄纁者土無正位託位南方火火色赤與黃共為纁也凡六冕之服皆玄上纁下故云以爲祭服卽祭義云玄黃之者是也云石染當及盛暑熱潤始湛研之三月而後可用者竝約考工記鍾氏職而言故彼云以朱湛丹秫三月而熾之是以鄭云考工記鍾氏則染纁術也鄭意以染纁鍾氏有其法術欲推出染玄無正文故云染玄則史傳闕矣染玄雖史傳闕推約則有之故鄭注鍾氏及士冠禮云玄則六入與是也云染夏者染五色者謂夏卽與五色雉同名夏故知染五色也故鄭卽云謂之夏者其色以夏狄為飾是以績

人職云五色備謂之繡也引禹貢曰以下者山谷也羽山之谷有夏之五色之翟雉貢焉云夏狄是其總者直云夏狄不別云雉名故知其總也云其類有六以下者是爾雅釋鳥文云其毛羽五色皆備成章者即爾雅云伊洛之南素質五色皆備成章曰翬江淮之南青質五色皆備成章曰搖舉此二者餘四者亦然其五色皆備成章也云染者擬以為深淺之度是以放而取名焉者但夏狄五色是自然之色今染五色者準擬以為深淺之度染五色與雉同掌凡染事名故云是放而取名也

掌凡染事

追師掌王后之首服為副編次追衡笄為九嬪及外内命婦之首服以待祭祀賓客注鄭司農云追冠名士冠禮記曰委貌周道也章甫殷道也毋追夏后氏之道也

追師掌冠冕之官故并主王后之首服副者婦人之首
服祭統曰君卷冕立于阼夫人副褱立於東房衡維持
冠者春秋傳曰衡統紘紕玄謂副之言覆所以覆首為
之飾其遺象若今步繇矣服之以從王祭祀編編列髮
為之其遺象若今假紒矣服之以桑也次次第髮長短
為之所謂髮髯服之以見王王后之燕居亦纚笄總而
已追猶治也詩云追琢其璋王后之衡笄皆以玉為之
唯祭服有衡垂于副之兩旁當耳其下以紘縣瑱詩云

玼兮玼兮其之翟也鬢髮如雲不屑髻也玉之瑱也是
之謂也笄卷髮者外內命婦衣鞠衣禮衣者服編衣緣
衣者服次外內命婦非王祭祀賓客佐后之禮自於其
家則亦降焉少牢饋食禮曰主婦髮髻衣移袂特牲饋
食禮曰主婦纚笄綃衣是也昏禮女次純衣攝盛服耳
主人爵弁以迎移袂祿衣之袂凡諸侯夫人於其國衣
服與王后同音義追丁回反下及注同編步典反又必
先反注同冠古亂反後冠禮同母音
牟卷古本反統丁敢反絃音宏綬以然反徐羊戰反繇
以招反本或作搖紒音計髮皮寄反髻本又作髻大計

反劉音地見賢遍反纒所買反又所綺反琢丁角反縣
音玄瑱它見反鬢之忍反驚大計反下同沈音薊卷卷
免反劉羌權反衣於既反下衣緣同疏釋曰云掌王后
移昌氏反下同純側其反徐如字之首服者對夏
官弁師掌男子之首服首服則副編次也云追衡筭者
追治玉石之名謂治玉為衡筭也云為九嬪及外內命
婦之首服者此云及則與上內司命婦中亦是言及殊貴
賤九嬪下不言世婦文略則外命婦中有三公夫人卿
大夫等之妻內命婦中唯有女御也云以待祭祀賓客
者亦謂助后而服之也注釋曰司農云追冠名者見士
冠禮夏后氏牟追故引士冠為證云追師掌冠冕之官
故并主王后之首服者此鄭意以追師掌作冠冕弁師
掌其成法若縫人掌縫衣別有司服內司服之官相似
故有兩官共掌男子首服也後鄭不從者此追師若兼
掌男子首服亦當如下屨人職云掌王及后之服屨兼
王為文今不云王明非兩官共掌此直掌后已下首服

也又引祭統者證副是首飾又引春秋者是桓二年臧哀伯辭彼云衡統紃紃則據男子之衡引證此者司農意男子婦人皆有衡後鄭意亦爾但後鄭於此經無男子耳玄謂副之言覆所以覆首為之飾者副者是副貳之副故轉從覆為蓋之義也云其遺象若今步繇矣漢之步繇謂在首之時行步繇動此據時目驗以曉古至今去漢久遠亦無以知之矣案詩有副笄六珈謂以六物加於副上未知用何物故鄭注詩云副既笄而加飾古之制所有未聞是也云服之以從王祭祀者鄭意三翟皆首服副祭祀之中含先王先公羣小祀故以祭祀總言之也云編編列髮為之者此鄭亦以意解之見編是編列之字故云編編列髮為之云其遺象若今假紃矣者其假紃亦是鄭之目驗以曉古至今亦不知其狀也云服之以桑也者上注鞠衣以告桑此下注及鄭答志略云展首服編此直據鞠衣服之以桑不云展衣者文略其編亦兼於展衣也云次次第髮長短為之者此亦

以意解之見其首服而云次明次第髮長短而為之云所謂髮髻者所謂少牢主婦髮髻卽此次也言髮髻者髻髮也謂翦髻取賤者刑者之髮而為髻鄭必知三翟之首服副鞠衣展衣首服編緣衣首服次者王之祭服有六首服皆冕則后之祭服有三首服皆副可知昏禮女次純衣純衣則祿衣祿衣而云次則祿衣首服次可知其中亦有編明配鞠衣展衣而云服之以見王者上注展衣云以禮見王則展衣首服編以禮見王此又云次以見王者則見王有二一者以禮朝見於王與見賓客同則服展衣與編也一者祿衣首服次接御見王則祿衣與次則此注見王是也故二者皆云見王耳云王后之燕居亦纁笄總而已者案士冠禮纁長六尺以韜髮笄者所以安髮總者既繫其本又總其末燕居謂不至王所自在燕寢而居時也案雞鳴詩云東方明矣朝既昌矣毛云東方明則夫人纁笄而朝者此經云副編次國衣服與王后同而得服纁笄而朝者此經云副編次

以待祭祀賓客明燕居不得著次自然著纓笄而毛云著纓笄朝者毛更有所見非鄭義若然彼鄭不破之者以明纓笄燕居無正文故且從毛也其實朝王時首服編也引詩追琢其璋者證追是治玉石之名云王后之衡笄皆以玉為之者以弁師王之笄以玉故知后與王同用玉也弁師云諸公用玉為瑱詩云玉之瑱也據諸侯夫人夫人與君同用玉瑱明衡笄亦用玉矣其三夫人與三公夫人同服翟衣明衡笄亦用玉矣其九嬪命婦等當用象也云唯祭服有衡知者見經后與九嬪以下別言明后與九嬪以下差別則衡笄唯施於翟衣其鞠衣以下無衡矣又見桓二年哀伯云袞冕黻珽帶裳幅舄衡紃紕竝據男子之冕祭服而言明婦人之衡亦施於三翟矣故鄭云唯祭服有衡也鞠衣已下雖無衡亦應有紃以懸瑱是以著詩云充耳以素以青以黃是臣之紃以懸瑱則知婦人亦有紃以懸瑱也云垂于副之兩旁當耳其下以紃懸瑱者傳云衡紃紕與衡

連明言統為衡設矣筭既橫施則衡垂可知若然衡訓為橫既垂之而又得為橫者其筭言橫據在頭上橫貫為橫此衡在副旁當耳據人身豎為從此衡則為橫其衡下乃以統懸璵也引詩者彼鄘風注云玼鮮明貌鬢黑髮如雲言美長也屑用也髭髮也引之者證服翟衣首有玉璵之義故云是之謂也其統之采色璵之玉石之別者婦得服翟衣者統用五采璵用玉自餘鞠衣以下統則三采璵用石知義然者案著詩云充耳以素鄭彼注云謂從君子而出至於著君子揖之時也我視君子則以素為充耳謂所以懸璵者或名為統織之人君五色臣則三色而已此言素者目所先見而云下云尚之以璵華注云美石彼下經又云充耳以青充耳以黃據臣三色故云人君五色矣詩云玉之璵據君夫人云用玉則臣之妻與夫同美石彼毛注以素為象璵鄭不從者若素是象璵文何以更云璵華璵英之事乎故鄭以為統也云筭卷髮者鄭注喪服小記亦云筭帶所以

自卷持云外內命婦衣鞠衣禮衣服編衣祿衣者服次知者案昏禮云女次純衣純衣則祿衣據士服爵弁親迎攝盛則士之妻服祿衣首服次亦攝盛祿衣既首服次三翟首服副則鞠衣禮衣首服編可知云外內命婦非王祭祀賓客佐后之禮自於其家則亦降焉知者大夫妻服禮衣首服編士妻服祿衣首服次少牢特牲是大夫士妻特牲云主婦纁綌綌綌少牢云主婦髮鬢衣移袂但大夫妻移袂為異又不服編故知自於其家則降是以卽引少牢為證耳云移袂祿衣之袂者此鄭覆解少牢主婦衣移袂者是移祿衣之袂上旣云移袂今又云移祿衣之袂不同者但士之妻服綌服祿衣助祭及嫁時不移其袂今大夫妻綌衣移而以祿衣袂者以大夫妻與士妻綌衣名同不得言移於綌衣之袂故取祿衣也云凡諸侯夫人於其國衣服與王后同者以其諸臣之妻有助后與夫人祭之事諸侯夫人無助后之事故自於本國衣服得與王后同也所同者上公夫人

得禕衣已下至祿衣禕衣從君見大祖揄翟從君祭羣廟闕翟從君祭羣小祀鞠衣以告桑展衣以禮見君及賓客祿衣以接御侯伯夫人得揄翟已下揄翟從君見大祖及羣廟闕翟已下與上公夫人同子男夫人得闕翟已下闕翟從君見大祖及羣廟與羣小祀鞠衣已下與侯伯同竝纚笄綃衣以燕居也二王之後與魯夫人亦同上公之禮故明堂位云季夏六月喪紀共笄經亦以禕禮祀周公於大廟夫人禕衣是也

如之

屨人掌王及后之服屨為赤舄黑舄赤纁黃纁青句素屨葛屨注屨自明矣必連言服者著服各有屨也複下曰舄禕下曰屨古人言屨以通於複今世言屨以通於

禪俗易語反與烏屨有絢有纁有純者飾也鄭司農云
赤纁黃纁以赤黃之絲為下緣士喪禮曰夏葛屨冬皮
屨皆纁緇純禮家說纁亦謂以采絲礫其下玄謂凡屨
烏各象其裳之色士冠禮曰玄端黑屨青絢纁純素積
白屨緇絢纁純爵弁纁屨黑絢纁純是也王吉服有九
烏有三等赤烏為上冕服之烏詩云王錫韓侯玄衮赤
烏則諸侯與王同下有白烏黑烏王后吉服六唯祭服
有烏玄烏為上禕衣之烏也下有青烏赤烏鞠衣以下

皆屨耳句當為絢聲之誤也絢纁純者同色今云赤纁黃纁青絢雜互言之明烏屨衆多反覆以見之凡烏之飾如纁之次赤纁者王黑烏之飾黃纁者王后玄烏之飾青絢者王白烏之飾言纁必有絢純言絢亦有纁純三者相將王及后之赤烏皆黑飾后之青烏白飾凡屨之飾如繡次也黃屨白飾白屨黑飾黑屨青飾絢謂之拘著烏屨之頭以為行戒纁縫中紉純緣也天子諸侯吉事皆烏其餘唯服冕衣翟著烏耳士爵弁纁屨黑絢

纓純尊祭服之屨飾從續也素屨者非純吉有凶去飾

者言葛屨明有用皮時音義

纓於力反句音劬一音姜踰反著徐丁庶反一知略

反與音餘絢音劬純章允反下同緣悅面反下同礫音歷覆芳服反見賢遍反拘戚如字劉音句著舄知略反又直略反剝音巡衣於旣反疏釋曰云掌王及后之服非純如字去起呂反下皆同屨者但首服在上尊又之屨舄在下卑又是追師與弁師男子婦人首服各別官掌是陽多變是以追師與弁師男子婦人同官掌之也云為赤舄以下謂掌而營造之故云為也赤舄者男子冕服婦人闕翟之舄也黑舄者天子諸侯玄端服之舄赤纓已下云纓云句者欲言纓絢以表見其舄耳赤纓者是天子諸侯黑舄之飾黃纓者與婦人為玄舄之飾也青句者與王及諸侯為白舄之飾凡屨舄皆有絢纓純三者相將各言其一者欲互見其屨舄故多舉一邊

而言也素屨者大祥時所服去飾也葛屨者自赤舄以下夏則用葛為之若冬則用皮為之在素屨下者欲見素屨亦用葛與皮故也注釋曰云屨自明矣必連言服者著服各有屨也者屨舄從裳色裳既多種故連言服也云複下曰舄禪下曰屨者下謂底複重底重底者名曰舄禪底者名曰屨也無正文鄭目驗而知也云古人言屨以通於複者首直云屨人不言舄及經舄屨兩有是言屨通及舄周公即古人也故云古人言屨以通於複也云今世言屨以通於禪者謂漢時為今世但漢時名複下者為屨并通得下禪之屨故云俗易語反與云與者無正文鄭以意解之故云與以疑之也云舄屨有絢有纒有純者飾也者言纒是牙底相接之縫綴條於其中言絢謂屨頭以條為鼻純謂以條為口緣經不云純者文略也鄭司農云赤纒黃纒以赤黃之絲為下緣者此即牙底相接之縫也引士喪禮者證纒為下緣云皆纒緇純者葛屨皮屨皆有纒也緇純純用緇則纒絢

亦用緇色也玄謂凡屨烏各象其裳之色者屨烏與裳俱在下體其色同制烏屨與裳色同也引士冠禮者驗屨同裳色云玄端黑屨者凡玄端有上士玄裳中士黃裳下士雜裳今云黑屨者據玄裳為正也云青絢纁純者屨飾從繡次也云素積白屨者皮弁服素積以為裳故白屨也云緇絢纁純者亦飾從繡次也云爵弁纁屨黑絢纁純者鄭云尊祭服飾從績次言是也者是屨從裳色之義也云王吉服有九者則司服六冕與韋弁皮弁冠弁是也云烏有三等者謂赤烏黑烏白烏也云赤烏為上冕服之烏者此經先言赤烏是烏中之上是六纁下而畫以袞龍云赤烏者象纁裳故也引之者證諸侯得與王同有三等之烏赤烏為上也云下有白烏黑烏者白烏配韋弁皮弁黑烏配冠弁服案司服注韋弁以韎韋為弁又以為衣裳則韋弁其裳以韎之赤色韋為之今以白烏配之其色不與裳同者鄭志及聘禮注

韋弁服皆云以素為裳以無正文鄭自兩解不定故得
以白舄配之冠弁服則諸侯視朝之服是以燕禮記云
燕朝服鄭云諸侯與其羣臣日視朝之服也謂冠玄端
緇帶素鞞白屨也白屨即與皮弁素積白屨同今以黑
舄配之不與裳同色者朝服與玄端大同小異皆玄冠
緇布衣而裳有異耳若朝服則素裳白屨若玄端之裳
則玉藻云韠君朱大夫素士爵韋是韠從裳色則天子
諸侯朱裳大夫素裳皆不與裳同色者但天子諸侯舄
有三等玄端既不得與祭服同赤舄若與韋弁皮弁同
白則黑舄無所施故從上士玄裳為正而黑舄也大夫
玄端素裳亦從玄裳黑屨矣云王后吉服六韠祭服有
舄者以王舄有三后舄不得過王故知后舄亦三等但
冕服有六其裳同故以一舄配之后翟三等連衣裳而
色各異故三翟三等之舄配之云玄舄為上褱衣之舄
也下有青舄赤舄者玄舄配褱衣則青舄配搖翟亦舄
配闕翟可知云鞠衣以下皆屨耳者六服三翟既以三

鳥配之且下文命夫命婦唯言屨不言鳥故知鞠衣以下皆屨也云句當為絢知者以此屨鳥無取句之義案士冠禮皆云絢故知當為絢云絢纁純者同色知者案士冠禮三冠絢纁純各自同色故也云今云赤纁黃纁青絢雜互言之明鳥屨衆多反覆以見之者以其男子有三等屨鳥婦人六等屨鳥若具言其屨鳥於文煩故雜互見之明其衆多也云凡鳥之飾如纁之次者無正文此約皮弁白屨黑絢纁純白黑比方為繡次爵弁纁屨黑鈎纁純黑與纁南北相對尊祭服故對方為纁次也以此而言則知凡鳥皆不與屨同而為纁次可知云赤纁者王黑鳥之飾者以其黑飾從纁之次亦是南方火色與北方黑對方更無青屨取赤為纁知是王黑鳥之飾也云黃纁者王后玄鳥之飾者以其天玄與地黃相對為纁次故知是王后玄鳥之飾也上公夫人得服褱衣者亦得玄鳥也云青絢者王白鳥之飾者亦以對方飾之亦得與褱衣黑屨為飾但據鳥尊者而言王亦

與諸侯白鳥為飾也云言纁必有絢純言絢亦有纁純三者相將者以士冠禮三冠各有絢纁純故知三者相將但經互見故各偏舉其一耳云王及后之赤鳥皆黑飾后之青鳥白飾者以鳥皆對方以纁次為飾故義然也云凡屨之飾如繡次也者亦約士冠禮白屨黑絢純之等而知也云黃屨白飾白屨黑飾黑屨青飾者此據婦人之屨鞠衣已下之屨故有黃屨黑屨也以屨從繡次為飾故知義然也云絢謂之拘著於鳥屨之頭以為行戒者鄭注士冠亦云絢之言拘也以為行戒狀如刀衣鼻在屨頭言拘取自拘持為行戒者謂使低目不妄顧視也云其餘唯服冕衣翟著鳥耳者服冕謂后以下婦人也云素屨者非純吉有凶去飾者下經注散屨與此素屨同是大祥時則大祥除衰杖後身服素縞麻衣而著此素屨故云非純吉言去飾者經素屨不云纁純故知去飾無絢纁純也云言葛屨明有用皮時者士冠禮云夏葛屨冬皮屨此經云葛屨據夏而言若冬明

用皮故鄭云辨外內命夫命婦之命屨功屨散屨注命

夫之命屨纁屨命婦之命屨黃屨以下功屨次命屨於

孤卿大夫則白屨黑屨九嬪內子亦然世婦命婦以黑

屨為功屨女御士妻命屨而已士及士妻謂再命受服

者散屨亦謂去飾音義

散素但反注同疏釋曰上明王及后等

妻及嬪已下之屨也言外內命夫案肆師職云禁外內

命男女之衰不中法者鄭彼注外命男六鄉以出也內

命男朝廷卿大夫士也其妻為外命女彼外內命男則

此外內命夫若然此外內命夫其妻為外命婦鄭雖不

注亦與彼同也內命婦自是九嬪以下也注釋曰云命

夫之命屨者以其經不云烏唯云屨大夫以上衣冠則

有命烏無命屨故知命屨中唯有屨而已士之命服爵弁則纁屨故云命屨纁屨而已云命婦之命屨黃屨以下者以其外命婦孤妻已下內命婦九嬪以下不得服烏皆自鞠衣以下故云黃屨以下言以下者兼有卿大夫妻及二十七世婦皆展衣白屨士妻與女御皆祿衣黑屨故云以下以廣之云功屨次命屨於孤卿大夫則白屨黑屨者案司服孤絺冕卿大夫玄冕皆以赤烏為命烏以下仍有韋弁白屨冠弁黑屨故云次命屨命屨據婦人而言其實孤卿大夫身則功屨次命烏也云九嬪內子亦然者九嬪與孤妻內子既以黃屨為命屨功屨之中有禮衣白屨祿衣黑屨故云亦然云世婦以黑屨為功屨者以其皆以禮衣白屨為命屨其功屨唯有祿衣黑屨為命屨故云女御士妻命屨而已者以二者唯有祿衣黑屨為命屨故云命屨而已云士及士妻謂再命受服者案大宗伯云一命受職再命受服但公侯伯之士一命子男之士不命及王之下士皆受職不受服王之

中士再命上士三命已上乃受服受服則并得此屨故云再命受服者也云散屨亦謂去飾者據臣言散卽上之素皆是无飾互換而言故云謂去飾者也鄭志趙商問司服王后之衣服之制自不解請圖之答曰大裘衮衣鷩衣毳衣絺衣玄衣此六服皆纁裳赤舄弁衣以韋弁衣以韎皮弁衣以布此二弁皆素裳白舄冠弁服黑衣裳而黑舄冠弁玄端褱衣玄舄首服副從王見先王揄翟青舄首服副從王見先公闕翟赤舄首服副從王見羣小祀鞠衣黃屨首服編以告桑之服褱衣白屨首服編以禮見王之服褱衣黑屨首服次以御於王之服后服六翟三等三舄玄青赤鞠衣以下三屨黃凡四時之祭祀白黑婦人質不殊裳屨舄皆同裳色也

以宜服之注祭祀而有素屨散屨者唯大祥時疏

釋曰言以

宜服之者謂各以尊卑所宜之服服之注釋曰鄭知此經四時祭祀含有素屨散屨者以此經四時祭祀總結

上文諸屨故知有此二屨也云唯大祥時者此據外內命夫為王斬衰而言初死著菅屨卒哭與齊衰初死同疏屨既練與大功初死同繩屨大祥與小功初死同吉屨無絢吉屨無總純是以上經注云非純吉故云唯大祥時也但上經據卑云散散與素一也

夏采掌大喪以冕服復于大祖以乘車建綏復于四郊

注求之王平生常所有事之處乘車玉路於大廟以冕服不出宮也四郊以綏出國門此行道也鄭司農云復謂始死招魂復魄士喪禮曰士死于適室復者一人以爵弁服升自東榮中屋北面招以衣曰臯某復三降衣

于前受用篋升自阼階以衣尸喪大記曰復男子稱名
婦人稱字唯哭先復言死而哭哭而復冀其復反故檀
弓曰復盡愛之道也望反諸幽求諸鬼神之道也北面
求諸幽之義也檀弓又曰君復於小寢大寢小祖大祖
庫門四郊喪大記又曰復者朝服君以卷夫人以屈狄
大夫以玄纁世婦以禮衣士以爵弁士妻以稅衣雜記
曰諸侯行而死於館則其復如於其國如於道則升其
乘車之左轂以其綏復大夫死於館則其復如於家死

於道則升其乘車之左轂以其綏復喪大記又曰為賓則公館復私館不復夏采天子之官故以冕服復于太祖以乘車建綏復于四郊天子之禮也大祖始祖廟也故書綏為黻杜子春云當為綏黻非是也玄謂明堂位曰凡四代之服器魯兼用之有虞氏之旂夏后氏之綏則旌旂有是綏者當作綏字之誤也綏以旄牛尾為之綴於幢上所謂注旄於干首者王祀四郊乘玉路建大常今以之復去其旒異之於生亦因先王有徒綏者士

冠禮及玉藻冠綏之字故書亦多作綏者今禮家定作

綏音義

乘繩證反注乘車皆同綏而誰反注下同依字作綏誤作綏耳適丁歷反榮如字劉音營衣於

既反復扶入反朝直遙反卷古本反屈音疏釋曰大喪闕頰勅貞反禮音維徐音途撞直江反謂玉喪也

云以冕服復于太祖者謂初死屬纊絕氣之後即以冕服自衾冕以下六冕及爵弁皮弁之等復謂招魂復者各依命數天子則十二人各服朝服而復於太祖之廟當升自東靄北面履危西上云鼻天子復如是者三乃卷衣投於前有司以篋受之升自阼階入衣於尸復而不蘇乃行死事也故云復於太祖也云以乘車建綏復於四郊者以冕服不出宮旌旗之綏又是行道之物故乘玉路之乘車建綏而復於四郊也必於太祖四郊者欲死者復蘇故於平生有事之處皆復也注釋曰云求之王平生常所有事之處者鄭欲廣解所復之處故云

平生以總之夫子七廟此經直云大祖大祖則后稷廟也餘六廟此不云復案祭僕云大喪復于小廟注云小廟高祖以下是親廟四也其五寢則隸僕復故隸僕職云大喪復於小寢大寢注小寢高祖以下廟之寢也始祖曰大寢唯二祧無復大者案祭法親廟四與大祖皆月祭二祧享嘗乃止無月祭則不復也禮記檀弓云復於小祖大祖庫門四郊周禮不言庫門者文不具云乘車玉路者案巾車云玉路以祀祭天地於郊用玉路明於四郊復乘玉路可知云于四郊者案小宗伯云兆五帝於四郊平生生在四郊郊事神之處故復之也云於太廟以冕服不出宮也者鄭欲見於四郊不用冕服之意也云四郊以綏出國門行道也者案巾車云一曰玉路建太常十有二旂以祀故云以綏出國門此行道對在廟用冕也鄭司農云復謂始死招魂復魄者精氣為魂耳目聰明為魄人死魂氣上去故招之而復之於魄也自士喪以下至私館不復引此諸文者先鄭意禮記諸

言復皆與此經復事同故皆引為證也云士死於適室者適室則適寢也大夫士謂之寢天子諸侯謂之路寢也云復者一人者命士不命之士皆一人若大夫以上皆依命數也云以爵弁者凡復者皆用上服故用士助祭之服云升自東榮者升屋從東榮而上天子諸侯言東雷臯謂長聲而言又引喪大記復男子稱名婦人稱字者男子稱名據大夫士若天子稱天子復諸侯稱某甫臣不名君故也引喪大記云君以卷夫人以屈狄者彼注云君以卷謂上公也夫人以屈狄謂子男夫人若上公夫人用褱衣子男則用毳互見之者欲總五等諸侯及夫人也云大夫以玄纁世婦以禮衣者纁亦謂纁裳則玄冕也世婦謂君之世婦不言命婦與姪姊亦互見為義也玄謂引明堂位凡四代之服器魯兼用之者鄭欲推出綏是有虞氏旌故也云有虞氏之旌夏后氏之綏者彼注云有虞氏當言綏夏后氏當言旌云則旌旂有是綏當作綏字之誤也者旌旂有是綏謂系邊

著妥此非字之體故破之云當作綏為系邊著委故云
字之誤也云綏以旄牛尾為之綴於幢上所註旄於
干首者爾雅云注旄於干首是也案鍾氏染鳥羽以為
王后之車飾亦為旄旗之綏則旄旗亦有鳥羽獨云旄
牛尾舉一邊而言其實兼有也云王祀四郊乘玉路建
大常者此巾車文云今以之復去其旒異之於生者生
時九旗有綏有旒今死去旒是異云先王者有虞氏也
徒空也有虞氏空綏未有在下旂旒故云徒綏也云士
冠禮及玉藻冠綏之字者欲見二冠綏之字與此旄旗
之綏字同也云故書亦多作綏者謂作系傍委也云今
禮家定作綏者謂今說禮之家定作綏謂為綏賓之綏
必定綏作綏者綏賓在午月一陰方生陰氣委綏於下
故旄旗之綏亦定作綏也

周禮注疏卷八

周禮注疏卷八考證

世婦掌祭祀賓客喪紀之事疏喪紀謂大喪朝廟設祖

奠與大遣奠時○

臣紱

按儀禮士喪下篇祖奠大遣

奠俱無黍稷唯朔奠月半奠有之疏文未詳所据豈

賈氏偶未檢耶

女御凡祭祀贊世婦注助其帥涖女宮疏助其帥涖女

宮也○監本脫帥字今依注補之

內司服掌王后之六服注雜記曰夫人脫稅衣揄狄○

脫乃復字之訛也毛本作服亦訛

疏是以白虎通云周官祭天后夫人不與者以其婦人無外事○不監本訛作與今據原文改正

縫人衣袷柳之材注書曰分命和仲度西曰柳穀○臣

紱

按漢時今文尚書如此度宅二字古音相同並音

鐸谷穀亦同音唯柳字互異其他異同者必多應有義長而可據者惜孔書既行而伏生之本無傳也

染人掌染絲帛注石染當及盛暑熱潤始湛研之○臣

照

按疏引考工鍾氏以朱湛丹秣三月而熾之所謂
朱者其卽石與宋王昭禹以為朱砂緣此注石字耳
疏引禹貢曰以下者山谷也○此以釋羽卅夏狄句
山谷上疑脫卅字

追師掌王后之首服注詩云追琢其璋○璋詩作章

屨人掌王及后之服屨疏在素屨下者欲見素屨亦用
葛與皮故也○皮監本訛作布今依注言葛屨明有
皮時及士冠禮改正

又云其餘唯服冕衣翟著烏耳者服冕謂后以下婦人也○臣宗指按此兼釋服冕衣翟二事不應遺却衣翟一邊又所服與服之之人不相應疑服冕下脫謂孤卿大夫衣翟七字

辨外內命夫命婦之命屨疏以下仍有韋弁白屨冠弁黑屨○臣麟昌按以服屨之倫次之則仍有下疑脫爵弁纁屨四字

周禮注疏卷八考證